



**PAPPÍRINN FRÁ ODDA
FÆST HJÁ OKKUR**

H-PRENT
sími 456 4560

NYIR SÓLUADILAR PIRELLI Á VESTFJÖRÐUM

Vegna góðra samninga getum við boðið Pirelli og Nokian vetrarhjólbarda á Reykjavíkur verði. Höfum oppnað Öllis smurþjónustu. Útvegum síur í flestar vélknúin tæki. Útvegum varahluti í bíla o.fl. Þústviðgerðir. DENSO Kerti.

HJÓLBARDAVERKSTÆÐI ÍSAFJARÐAR
Sindragötu 14
Sími 456-3501 GSM 894-9499
www.simnet.is/gemotorsport

TRASTUR OG GÓÐA ÞJÓÐUSTU

Óháð fréttablað á Vestfjörðum í 20 ár

BÆJARINS BESTA

Stofnað 14. nóvember 1984 · Sími 456 4560 · Veffang: www.bb.is · Verð kr. 250 m/vsk

Miðvikudagur 20. október 2004 · 42. tbl. · 21. árg.

Afgreiðsla
Landsbankans
í Neista er opin
fimmtudaga og
föstudaga
frá kl. 16-18
Sími 410 8119

Landsbankinn
Sími 410 4156
Fax 410 3018

**Lengi
býr að
fyrstu gerð**

– sjá viðtal í miðopnu við Önund Jónsson,
yfirlögregluþjón á Ísafirði, um unglunga og áfengi

Engin rækjuveiði í Ísafjarðardjúpi í vetur og efasemdir um Arnarfjörð

Hrefnur og hnúfubakur sitja að veisluborði í Ísafjarðardjúpi

Engar innfjarðarrækjuveiðar verða leyfðar í Ísafjarðardjúpi í vetur og ástand innfjarðarstofnsins í Arnarfirði er slæmt. Stofninn í Arnarfirði hefur lát-ið verulega á sjá og ekki er víst að þar verði leyfðar veiðar. Fisk- og hvalagengd hefur aukist mjög á þessum svæðum með hlýnandi sjávarhita og velta menn því nú fyrir sér hvort ekki sé rétt að leyfa veiðar í Arnarfirði og veiða þannig

þá rækju sem þar er eftir áður en hún verður étin. Endanleg ákvörðun verður tekin á næstu dögum.

Í síðustu viku var haldinn fundur á Ísafirði þar sem starfsmenn Hafrannsóknastofnunar kynntu niðurstöður úr rannsóknum sínum á stofnum innfjarðarrækju í Arnarfirði og Ísafjarðardjúpi. Fundinn sátu auk starfsmanna Hafrannsóknastofnunar, útgerðar-

menn og sjómenn við Ísafjarðardjúp og Arnarfjörð. Hjalti Karlsson deildarstjóri Hafrannsóknastofnunar var ófánalegur til að gefa upplýsingar um stöðu mála þrátt fyrir að sjó- og útgerðarmönnum hefðu verið kynntar horfurnar. Sagði hann að eftir væri að ræða niðurstöður rannsókna innan-húss hjá stofnuninni og taka ákvarðanir í framhaldi af því. Samkvæmt heimildum

blaðsins hefur ástand rækju-stofnsins í Arnarfirði versnað mjög á milli ára. Rækjan hefur þétt sig og því var veiði á ákveðnum blettum mjög góð en lítil á öðrum svæðum. Nær engar lýkur eru á því að veiðar verði leyfðar í Ísafjarðardjúpi í vetur. Til þess er stofninn einfaldlega of lítill. Ástæðan er sívaxandi fiskgengd í Djúpinu með hækkandi hitastigi sjávar. Í rannsóknum nú varð


sérstaklega vart við mikla ýsu- og lýsugengd, mun meiri en undanfarin ár. Þá segja sjómenn að undanfarnar vikur hafi fimm hrefnur verið í Skötufirði og átta í Mjóafirði. Auk þess hafi hnúfubakur dvalið í Mjóafirði í allt sumar. „Þessar skepnur dvelja ekki þarna mánuðum saman nema þær sitji þar við veisluborð“, sagði sjómaður sem blaðið ræddi við. – hj@bb.is

SAMKAUP

Opið:
Virka daga 09-21
Laugard. 10-21
Sunnud. 12-21

SAMKAUP
...gæði og förelæsi!

NEISTA
HAFNARSTRÆTI 9-13
SÍMI 456 5460



SKIP OG BÍLL - HEILDARLAUSN Í FLUTNINGUM

Flytjandi
- á flugi á milli landa

EIMSKIP
GREIÐ LÉND

Lokað vegna viðgerða

Sundhöllin á Ísafirði er lokað vegna viðgerða. Að sögn Björns Helgasonar, íþrótt- og æskulýðsfulltrúa Ísafjarðarbæjar, er verið að reyna að komast fyrir leka sem verið hefur í lauginni og er öðrum viðhaldsverkum sinnt í leiðinni. „Þessi lokun getur staðið yfir í örfáa daga, en við vonumst til að geta opnað fyrir helgi“, segir Björn. Eins og gefur að skilja verða engar æfingar á vegum sundfélagsins Vestra í lauginni meðan lokunin stendur yfir og eru þeir sem æfa hjá félaginu beðnir um að fylgjast með þróun mála á heimasíðu þess næstu daga.

Myndavélar á heiðum

Vegagerðin hefur tekið í notkun veðurmyndavélar á Steingrímsfjarðarheiði og Ennishálsi milli Kollafjarðar og Bitrufjarðar á Ströndum. Nýlega voru teknar í gagnið breytingar á bb.is sem gerðu það meðal annars að verkum að hægt er að tengjast veðurmyndavélum Vegagerðarinnar víða um land, meðal annars á ofangreindum stöðum, með því að smella á tengilinn „Veðurmyndavélar á heiðum“ hægra megin forsíðu vefjarins.

Sveitarfélög sameinuð?

Bæjarráð Ísafjarðarbæjar hefur áveðið að vísa tillögu nefndar um breytingu á sveitarfélagaskipan til umræðu í bæjarstjórn. Tillaga nefndarinnar var sem kunnugt er sú að íbúum Bolungarvíkur, Ísafjarðarbæjar og Súðavíkur verði gefinn kostur á greiða atkvæði um hugsanlega sameiningu þessara þriggja sveitarfélaga. Næsti fundur bæjarstjórnar Ísafjarðarbæjar verður væntanlega haldinn þann 21. október.

Sigríður ráðin?

Ísafjarðarbær hefur lagt fram drög að samningi við Sigríði Magnúsdóttir um rekstur félagsstarfs aldraðra á Flateyri. Fjallað var um málið á fundi félagsmálanefndar Ísafjarðarbæjar fyrir skemmstu. „Starfsemin hefur verið fyrir hendi um tíma og eina breytingin yrði að ég myndi reka hana“, segir Sigríður. Um er að ræða félagstarf aldraðra sem fer fram í menningarmiðstöðinni Félagsbæ auk margvíslegrar starfsemi.

Jón Aðalsteinn Baldvinsson, vígslubiskup leggur fram tillögu á Kirkjubíingi

Lagt til að Ísafjarðar- og Barðastrandarprófastsdæmi sameinist

Séra Jón Aðalsteinn Baldvinsson, vígslubiskup flutti tillögu á Kirkjubíingi þar sem lagt er til að Barðastrandarprófastsdæmi og Ísafjarðarprófastsdæmi verði sameinuð í nýju Vestfjarðaprófastsdæmi. Lagt er til að hin nýja skipan taki gildi 1. desember 2005. Tillagan er flutt af biskupafundi. Í athugasemdum með tillögunni kemur fram að tillagan sé nú flutt af biskupafundi í fjórða sinn. Þá segir m.a.: „Tillaga þessi er lögð fram í því skyni að styrkja samstarf kirkjulegra aðila og embætta á Vestfjörðum svo og prófastsþjónustu og stjórnsýslu í því sambandi. Verkefni og ábyrgð prófastsdæmanna hafa aukist undanfarin ár og þau verða að vera í stakk búin til að axla þá ábyrgð, enda er sú þróun kirkjunni tvímæla laust til hagsbóta.“

Í greinargerðinni er einnig nefnd sú hugmynd að núverandi Reykhólaprestakall verði sameinað suður á bóginn. Þar segir: „Til viðbótar því má nefna að fyrirhugað er, af hálfu biskupafundar, að senda til kynningar í héraði tillögu um



Ísafjarðarkirkja.

að Reykhólaprestakall tilheyri Snæfellsness- og Dalaprófastsdæmi og ef umsagnir gefa ekki tilefni til annars, verður tillagan lögð fram á Kirkjubíingi 2005. Verði slík tillaga lögð fram og samþykkt, eru tvö prestsembætti eftir í prófastsdæminu. Tillagan er í samræmi við núverandi skipan kjördæma til Kirkjubíings og

breytir því engu um hana, verði hún samþykkt.“

Eins og áður sagði hafa áður komið fram tillögur í þessa átt á Kirkjubíingi. Um það segir svo í greinargerð með tillögunni nú: „Árið 2000 flutti biskupafundur tillögu um þetta mál á Kirkjubíingi. Var samþykkt að vísa henni til umsagnar heima í héraði.

Umsagnir bárust og var Ísafjarðarprófastsdæmi fremur meðmælt tillögunni. Héraðsfundur Barðastrandarprófastsdæmis mælti fremur gegn tillögunni og taldi hana ekki tímabæra. Síðan þá eru liðin fjögur ár og er mat biskupafundar að nú sé tímabært að ráðast í þessa nauðsynlegu skipulagsbreytingu. [...] Eins

og fram kemur hefur héraðsfundur Barðastrandarprófastsdæmis tvívegis fjallað um tillöguna – síðast fyrir tveimur árum. Biskupafundur telur ekki þörf á frekari umfjöllun heima í héraði, þ.e. þriðju umsögninni, enda vandséð að nokkuð hafi breyst sem geti leitt til annarrar niðurstöðu.“

– hj@bb.is



Umræddur vegkaflí.

Ísafjarðarbær óskar eftir lökkun hámarkshraða innan við Hafrafellsháls í Skutulsfirði

Vegagerðin hafnar beiðninni

Vegagerð ríkisins hefur hafnað beiðni bæjarstjórnar Ísafjarðarbæjar um lökkun hámarkshraða á þjóðveginum í Skutulsfirði frá Hafrafellshálsi og að afleggjaranum að Ísafjarðarflugvelli. Umdæmisstjóri Vegagerðarinnar í Borgarnesi telur ekki rétt að lækka hámarkshraðann á þessum vegarkafli því samræmis þurfi að gæta í hámarkshraða á þjóðvegum. Hann telur þessa afgreiðslu ekki dæmi um að Vegagerðin sé að fjarlægjast íbúana eftir að skipuriti stofnunarinnar var breytt og starfsemin á Vestfjörðum var færð

hannsson umdæmisstjóri Vegagerðarinnar í Borgarnesi segir stofnunina hafa lagst gegn þessari beiðni þar sem nauðsynlegt sé að gæta samræmis í hámarkshraða í þjóðvegum. Þessi vegarkafli sem um ræðir sé mjög góður og bjóði uppá 90 km hámarks hraða. Segir hann að erfitt sé að halda niðri hámarkshraða á vegarköflum þar sem aðstæður séu góðar. Þessi vegarkafli sé utan þéttbýlis og því hafi orðið niðurstaðan að fallast ekki á umrædda beiðni. Aðspurður vildi bæjarstjórn minnka slyshættu. Magnús V. Jó-

beiðni bæjarstjórnar í ljósi þess að á Skutulsfjarðarbraut hafi um árabíl verið 60 km hámarkshraði segir Magnús V. að ekki sé um hliðstæða vegi að ræða. Skutulsfjarðarbraut sé vegur í þéttbýli og því sé hámarkshraði þar lægri. Aðspurður hvort ekki sé eðlilegra að treysta óskum og skoðunum bæjarstjórnar í þessu máli segir Magnús V. ekki óeðlilegt að taka að einhverju leyti tillit til óska heimamanna. Hins vegar verði einhvers staðar að draga mörkin. Ekki sé þó óhugsandi að málið verði að nýju tekið til

skoðunar. Fyrir nokkru var skipuriti Vegagerðar ríkisins breytt á þann veg að umdæmi Vestfjarða var fært undir umdæmisstjórn í Borgarnesi. Magnús V. telur þetta mál ekki dæmi um að með breyttu skipuriti sé stofnunin að fjarlægjast almenning. Hann segir að við vinnslu þessa máls hafi verið unnið í fullu samráði við starfsmenn stofnunarinnar á Ísafirði sem best þekki til málsins. Einnig hafi verið haft samráð við yfirstjórnina í Reykjavík.

– hj@bb.is



Grundarskólinn á Ísafirði.

Fræðslunefnd Ísafjarðarbæjar

Telur kennara mismuna börnum

Fræðslunefnd Ísafjarðarbæjar samþykkti á dögunum ályktun vegna synjunar til handa Grundarskólanum á Ísafirði til kennslu fatlaðra barna. Sem kunnugt er hefur fulltrúi launanefndar sveitarfélaga í undanþágunefndinni lýst sig meðmæltan undanþágu en fulltrúi Kennarasambandsins hefur hafnað henni. Í ályktuninni segir: „Fræðslunefnd Ísafjarðar-

bæjar mótmælir þeirri niðurstöðu undanþágunefndar Kennarasambands Íslands og Launanefndar sveitarfélaganna að heimila ekki starfrækslu sérdeildar við Grundarskólann á Ísafirði. Sú mismunun sem í þessu felst milli landshluta er óásættanleg. Fræðslunefnd hvetur undanþágunefnd KÍ og LN til að endurskoða þessa niðurstöðu.“

– hj@bb.is



Teiknistofan er til húsa í Vestrahúsinu á Ísafirði.

Teiknistofan Eik hefur starfsemi

Landslagsarkitekt tekur til starfa

Teiknistofan Eik hefur hafið starfsemi á Ísafirði en hana rekur landslagsarkitektinn Erla Bryndís Kristjánsdóttir. „Ég flutti til Ísafjarðar í lok ágúst og fyrirtækið með, en ég hafði unnið þónokkur verkefni fyrir vestan, aðallega í einkagörðum“, segir Erla Bryndís. Teiknistofan Eik var stofnuð í Grundarfirði árið 1998 og hefur tekið að sér fjölmörg verkefni á sviði landslagshönnunar og gerð skipulagsáætlana. Viðskiptavinir hafa að stærstum hluta

verið sveitarfélög. Teiknistofan er rekin í samstarfi við Ragnhildi Sigurðardóttur umhverfisfræðing og Steinunni Kristjánsdóttur fornleifafræðing. Auk þess hefur Áslaug K. Aðalsteinsdóttir landslagsarkitekt unnið að sérstökum verkefnum fyrir stofuna. „Með nútímatækni skiptir staðsetningin ekki svo miklu máli“, segir Erla Bryndís. „Við fjarvinnum hluta verkefnanna og ferðumst svo á milli.“

– thelma@bb.is



Þorsteinn Traustason hefur nóg að gera um þessar mundir.

Annríki hjá hjólbarðaverkstæðum

Mikið annríki var hjá starfsmönnum hjólbarðaverkstæða um allt land á Ísafirði á mánudag. Að sögn Guðmundar Einarssonar

sonar hjá Hjólbarðaverkstæði Ísafjarðar var allt fullbókað þar á bæ þann daginn sem og í gær. „Það er allt fullt í dag að

minnsta kosti og kominn biðlisti. Síðan er vel bókað á morgun. Þetta var farið af stað að einhverju leyti í síðustu viku, þá var einn

og dagur þar sem var mikið að gera“, segir Guðmundur Einarsson.

– halfdan@bb.is

Atvinnuleysi karla minnst á Vestfjörðum

Atvinnuleysi karla í september er minnst á Vestfjörðum samkvæmt nýútgefinni skýrslu Vinnu-
málastofnunar. Þar kemur fram að 0,6 % vestfirskra karlmannna séu án vinnu á

móti 2,6% á höfuðborgarsvæðinu. Þá er 2,6% atvinnuleysi meðal kvenna á Vestfjörðum. Einnig kemur fram að árstíðarbundið atvinnuleysi fari að jafnaði versnandi í október og


samhliða því fækki á vinnumarkaði. „Líklegt er að atvinnuleysið í október aukist lítils háttar og verði á bilinu 2,6-2,9%“, segir í skýrslunni. Mest er atvinnuleysi nú á höfuð-

borgarsvæðinu, en minnst á Norðurlandi vestra, Austurlandi, Vesturlandi og Vestfjörðum en þar mælist það 1,4%.

– thelma@bb.is

Námskeið fyrir verðandi veiðimenn og skotvopnaleyfishafa

Fyrirhugað er að halda námskeið fyrir umsækjendur um skotvopnaleyfi og undirbúningsnámskeið fyrir hæfnispróf veiðimanna.



Staðsetning:	Ísafirði - stjórnsýsluhúsinu
Skotvopn bólegt:	4. - 5. nóv. kl 18.00 - 22.00
Skotvopn verklegt:	6. nóv. kl 9.00
Veiðikortanámskeið:	Augl. síðar


Veiðikortanámskeiðið kostar kr. 7.000,- og skotvopnanámskeiðið kr. 18.000,-

Skráning hjá Veiðistjórnunarsviði í síma 462 2820.

Nánari upplýsingar á ust.is



Kennslugögn eru send til þátttakanda eftir greiðslu námskeiðsgjalds. Ennfremur þurfa þátttakendur að skila inn sakavottorði og læknisvottorði, sérstaklega útgefnu vegna skotvopnanámskeiða til lögreglu minnst viku fyrir námskeiðin.

 Óflugar 3.2 og 3.5 Útráðslar MMC PAJERO Verð frá 4.870.000	 MMC PAJERO SPORT Verð frá 3.790.000	 19.100 kr. á mánudi í 3 ár* VW PASSAT ADVANCE VARIANT 4MOTION Verð frá 2.705.000
 Beinskiptur 44.900 kr. á mánudi í 3 ár* MMC OUTLANDER Verð frá 2.595.000	 29.900 kr. á mánudi í 3 ár* SKODA OCTAVIA TERNO Verð frá 1.745.000	BETRI BÍLAR Á VESTFJÖRÐUM MMC PAJERO MMC PAJERO SPORT MMC OUTLANDER SKODA OCTAVIA TERNO SKODA OCTAVIA COMBI 4x4 VW GOLF VARIANT 4MOTION VW PASSAT ADVANCE VARIANT 4MOTION    
 34.500 kr. á mánudi í 3 ár* SKODA OCTAVIA COMBI Verð frá 2.030.000	 39.400 kr. á mánudi í 3 ár* VW GOLF VARIANT 4MOTION Verð frá 2.240.000	

HEKLA SÖLUUMBOÐ ÍSAFIRÐI – H.V UMBOÐSVERSLUN SUÐURGÖTU 9 – SÍMI 456-4666

* EINKALEIGA TIL FRISGJA ÁRA H.V. 20.000 KR ÁKOSTUR Á ÁRIL, GLYMSKIPTI OG ÞJÓNUSTUGJÓÐANIR.
EINKALEIGA ER RÁÐ GENGU GJALDMÖLA OG GÖTUR DVÉ BREYTT ÁN FYRIRVARA.

Kraftvörn á lakkið;

- kemur í staðinn fyrir bóni!
- gefur fallegan, djúpan, varanlegan gljáa!
- tveggja þátta vörn á lakkið sem þolir tjörupvott!
- kemur í veg fyrir að lakkið springi, flagni eða upplitist!

Kynningarverð til áramóta

Taktu enga áhættu!

Hjá okkur eru allir bílar tryggðir!

Óskum eftir að ráða starfsmann

MASSI þrif ehf. Sími 456 5198



Snjóflóðavarnargarðurinn við Seljalandsmúla á Ísafirði

Formlega vígður í dag

Snjóflóðavarnargarðurinn við Seljalandsmúla á Ísafirði verður vígður við formlega athöfn í dag kl. 16:30. Ísafjarðarbær býður íbúum bæjarins til vígslunnar sem fer fram við garðinn. „Það eru vissulega tímamót þegar svo mikið mannvirki sem snjóflóðavarnargarðurinn í Seljalandshlíð er að mestu tilbúinn. Uppgræðsla hans mun taka nokkur ár til viðbótar en hún hófst í sumar. Kappkostað verður að gera umhverfi garðsins þannig að þar verði eftirsóknarvert úti-vistarsvæði og má sjá þess

nokkur merki nú þegar“, segir Halldór Halldórsson, bæjarstjóri Ísafjarðarbæjar. Verkið er ein stærsta mannvirkjagerð í Skutulsfirði á síðari árum og hófust framkvæmdir í fyrra-sumar. Að vígslu lokinni verða bæjarbúum boðnar kaffiveitingar á Hótel Ísafirði. „Bygging svona mannvirkis er og verður ávallt umdeild vegna þeirra áhrifa sem hún hefur á umhverfið. Ástæðan fyrir byggingu snjóflóðavarnargarðs er hins vegar mjög skýr. Þessum mannvirkjum sem á eftir að fjölga töluvert á

Íslandi er ætlað að verja fólk fyrir hættu inni á heimilum sínum. Þær hamfarir sem urðu árið 1995 þegar flóðin féllu á Súðavík og Flateyri með miklum mannskaða urðu til þess að sett voru ný lög um varnir gegn snjóflóðum og samkvæmt þeim ber sveitarfélögum að verja byggð eða kaupa hana upp. Það er stefna bæjarstjórnar Ísafjarðarbæjar að verja byggð og er sú stefna í samræmi við það sem er að gerast víðar um landið. Varnargarður á Flateyri hefur nú þegar sannað gildi sitt að mati sérfræðinga Veðurstofu Íslands. Þá hefur fengist mikil og jákvæð reynsla af svona mannvirkjum erlendis“, segir Halldór. Veðurstofa Íslands stefnir



Snjóflóðavarnargarðurinn við Seljalandsmúla.

einnig að því að taka rannsóknarmiðstöð í snjóflóðamálum formlega í notkun í dag. Miðstöðin verður til húsa í Þróunarsetrinu á Ísafirði.

Framundan er vinna við varnir Holtahverfis og byggðarinnar undir Gleiðarhjalla. Bæjarstjórn hefur samþykkt sérstaka framkvæmdaáætlun um að-

gerðir í vörnum gegn snjóflóðum og nær hún til ársins 2010 en þá eru síðustu forvöð fyrir sveitarfélög að ganga frá öllum vörnum og uppkaupum.

Afli á Vestfjörðum í september

Dregst saman um 17% milli ára

Á höfnum á Vestfjörðum var landað 3.971 tonni af sjávarfangi í september. Er það tæpum 17% minni afli en í sama mánuði í fyrra. Þar munar mestu um minni þorsk og rækjuaflla. Á fyrstu níu mánuðum ársins var landað á Vestfjörðum 45.276 tonnum af sjávarfangi sem er tæpum 9% minni afli en á sama tíma í fyrra. Munar það mestu um minni steinbítsafla og sömu

sögu er að segja af grálúðu, rækju og loðnu. Þorsk- og ýsuafli hefur hinsvegar aukist á milli ára. Af einstökum höfnum á Vestfjörðum í september má nefna að mestur samdráttur varð í lönduðum afla á Ísafirði eða um 60% og um 50% á Þingeyri. Mest aukning í lönduðum afla var hinsvegar í Bolungarvík en þar jókst afli um 53% á milli ára. – [hj@bb.is](#)

Bókasafn Bolungarvíkur

Norræn bókasafns- vika í nóvember

Bókasafn Bolungarvíkur tekur þátt í Norrænu bókasafnsvikunni sem haldin verður dagana 8. -14. nóvember. Undanfarin ár hefur vikan verið haldin í samvinnu við nemendur og kennara Grunnskóla Bolungarvíkur. „Svo verður einnig í ár, verði búið að leysa verkfall kennarastéttarinnar. Verði deilan ekki leyst þegar að bókasafnsvikunni kemur verð-

ur hún haldin með öðru sniði“, segir í bókun bæjarstjórnar Bolungarvíkur. Norræna bókasafnsvika er haldin í áttunda sinn víðs vegar á Norðurlöndunum og er að þessu sinni tileinkuð H.C. Andersen undir yfirskriftinni „Einu sinni var“. Bókasafn Bolungarvíkur hefur tekið þátt í Norrænu bókasafnsvikunni frá upphafi. – [thelma@bb.is](#)

Landssamband smábátaeigenda

Óska Guðmundi vel- farnaðar á stærri bát

Örn Pálsson framkvæmdastjóri Landssambands smábátaeigenda kynnti í ræðu á 20. þingi sambandsins þá smábáta sem aflahæstir voru í hverjum flokki á síðasta ári. Eins og kunnugt er varð Guðmundur Einarsson ÍS-155 aflahæstur báta í krókaafلامارskerfi með 1.021 tonn. Skipstjóri bátsins á síðasta ári var Guðmundur Einarsson. Hann hefur nú tekið við

skipstjórn á stærra skipi og um það sagði Örn í ræðu sinni: „Aflakóngurinn okkar Guðmundur Einarsson hefur nú yfirgefið smábátaútgerðina sem skipstjóri, hann stjórnar nú línubátum Einarí Hálfdáns og vil ég við þetta tækifæri þakka honum sérstaklega hans framlag til eflingar smábátaútgerðarinnar og óska honum góðs gengis á nýjum starfsvettvangi“, sagði Örn.

Okkar hönnun, þín upplifun.

HAFÐU BETRA TAK Á HÁLKUNNI!

með Goodyear vetrardekkjunum

Mundu að veggripið á bílnum þínum er aðeins fjórir löfastórir fletir. Hafðu öryggið að leiðarljósi í vetur og veldu gæðadekkin frá Goodyear.

Komdu núna og tryggðu þér meira öryggi í umferðinni.

Hjólbandaverkstæði Ísafjarðar
Ísafjörður • 458 3501

ritstjórnargrein

Hvers eiga Vestfirðingar að gjalda?

„Mér finnst ekki rétt að sífellt sé verið að taka Vestfirði sem dæmi um þessa þróun því vandamálið er einnig til staðar í öðrum landshlutum,“ segir Birna Lárusdóttir, bæjarfulltrúi í Ísafjarðarbæ, í viðtali við DV, sem ber yfirskriftina „Útlendingar fylla í skörð flóttamanna“, síðastliðinn laugardag.

Æði margir virðast haldnir þeirri áráttu, þegar þörfin fyrir að létta á uppsafnaðri, innri neikvæðni brýst út í löngun til að láta ljós sitt skína, að benda á Vestfirði sem samnefnara alls þess, sem miður fer í þjóðfélaginu. Stríðsletursfyrirsögn tilvitnaðrar greinar í DV er dæmi þess.

Fólksfækkun á landsbyggðinni er vissulega mikið áhyggju-efni. Og fáum betur en Vestfirðingum ljósir þeir erfiðleikar, sem í kjölfarið fylgja. Margvíslegar ástæður kunna að liggja að baki þess, að fólk tekur sig upp og flyst á milli byggðarlaga. Það hefur alltaf verið og verður. En að leyfa sér að kalla þetta fólk „flóttafólk“ er til vansa. Við köllum ekki Reykvíkings, sem flytja til útlanda eða út á landsbyggðina, flóttafólk. Við getum aðeins gert okkur í hugarlund hvað raunverulegt flóttafólk má þola. Hugtakið yfir þær raunir á ekki við um búferlaflutninga á Íslandi.

Hver verða viðbrögð bæjaryfirvalda?

Í ársbyrjun minnti bæjarstjórn Ísafjarðarbæjar stjórnvöld á stefnu Alþingis og ríkisstjórnar um Ísafjarðarbæ, sem einn þriggja byggðakjarna utan höfuðborgarsvæðisins. Tilefnið voru vonbrigði, sem dómsmálaráðherra hafði valdið bæjarstjórninni með því að hola vaktstöð siglinga niður í Skógarhlíðinni í stað þess að koma þessari nýju stofnun fyrir úti á landi, t.d. á Ísafirði, eins og bæjarstjórnin hafði óskað eftir.

Nýlega var dómsmálaráðherra í heimsókn á Ísafirði. „Heimsóknin gekk mjög vel og Björn var mjög ánægður,“ var haft eftir sýslumanni vorum.

Þar sem BB á erfitt með að ætla dómsmálaráðherra að hafa stigið hér niður fæti án vitneskju bæjaryfirvalda, skal spurt: Bar umrædd ósk staðsetningu vaktstöðvarinnar á Ísafirði eitthvað á góma?

Ástæðan fyrir spurningunni er sú, að stuttu eftir heimsóknina hingað opnaði þessi sami dómsmálaráðherra „Varastöð fyrir Almennavirðing, Neyðarlínuna og Fjarskiptamiðstöð lögreglu-unnar ásamt varastöð fyrir vaktstöð siglinga.“ Spurning: Hvar skyldi dómsmála- ráðherra hafa klippt á borða af þessu tilefni?

BB veitir ekki verðlaun fyrir rétt svar. En, bíður eftir viðbrögðum bæjaryfirvalda Ísafjarðarbæjar.

– s.h.

orðrétt af netinu

Á eigin ábyrgð

Það er réttur eigenda að ákveða hverjum þeir veita aðgang að eign sinni. Jafnt fyrirtækjum sem einkaheimilum. Með því að leyfa reykingar inni á veitingastað sínum er eigandinn svo gott sem að hafna viðskiptum þeirra sem ekki vilja anda að sér tóbaksreyk. Það bitnar ekki á neinum nema honum, svo honum hlýtur að vera frjálst að vega og meta í hvorum hópnum séu betri viðskiptavinir; hópnum sem reykir eða er sama um tóbaksreyk eða hópnum sem þolir reykin ekki.

Viðskiptavinirnir eru hér í hlutverki innbrotsþjófsins. Þeir eru að vísu ekki að brjóta lög með því að fara inn á veitingastaði, en það er heldur ekki sjálfsagður réttur þeirra og þeir fara þangað algjörlega á sína eigin ábyrgð.

frjalshyggjan.is – Hulda Sigrún Haraldsdóttir

Útgefandi: H-prent ehf., kt. 600690-1169, Sólguðu 9,

400 Ísafjörður, sími 456 4560, fax 456 4564

Ritstjóri: Sigurjón J. Sigurðsson, sími 892 5362, bb@bb.is

Blaðamenn: Hálf dán Bjarki Hálf dánsson, sími 863 7655,

halfdan@bb.is – Halldór Jónsson, sími 892 2132 hj@bb.is –

Thelma Hjaltadóttir, sími 849 8699, thelma@bb.is

Ritstjóri netútgáfu: Sigurjón J. Sigurðsson · Ljósmyndari:

Halldór Sveinbjörnsson, sími 894 6125, halldor@bb.is

· Ábyrgðarmenn: Sigurjón J. Sigurðsson og Halldór Svein-

björnsson · Lausasöluverð er kr. 250 eintakið með vsk.

Áskriftarverð er kr. 215 eintakið. Veittur er afsláttur til elli- og

örorkulfeyrisþega. Einnig sé greitt með greiðslukorti.

ISSN 1670 - 021X



Stjórnsýsluhúsið á Ísafirði.

Starfshópur vegna stefnumótunar í tölvumálum Ísafjarðarbæjar

Skipan starfshóps breytt og nýr formaður skipaður

Bæjarráð Ísafjarðarbæjar ákvað í síðustu viku að breyta tillögu að skipan starfshóps vegna stefnumótunar í tölvumálum bæjarins. Einnig var gerð tillaga að nýjum formanni starfshópsins en áður hafði fjármálastjóri bæjarins verið tilnefndur til formennsku. Bæjarstjórn vísaði málinu aftur til bæjarráðs.

Forsaga málsins er sú að á bæjarráðsfundi þann 27. sept-

ember var lagt fram bréf Þóris Sveinssonar, fjármálastjóra þar sem hann leggur til, að í framhaldi af umræðum um tölvumál bæjarins og hvert skuli stefna í þeim málum, verði skipaður starfshópur sem geri drög að stefnumörkun sveitarfélagsins til fimm ára. Lagði hann til að aðrir í hópnum yrðu Jóhann Hinriksson, Skarphéðinn Jónsson, Védís Geirsdóttir og Þorleifur Páls-

son. Félldst bæjarráð á þessa tillögu fjármálastjórans.

Á fundi bæjarstjórnar var hinsvegar samþykkt samhljóða tillaga forseta bæjarstjórnar að vísa áðurnefndu máli aftur til bæjarráðs. Samkvæmt heimildum blaðsins munu einstakir bæjarfulltrúar hafa lýst efasemdum um skipan hópsins þar sem þar sætu eingöngu starfsmenn bæjarins. Töldu ýmsir að í hópnum ætti

að vera einhver sem stæði utan bæjarkerfisins.

Á fundi bæjarráðs í byrjun síðustu viku var ákveðið að breyta áðurnefndri tillögu. Úr hópnum dettur Þorleifur Páls-son og inn í hann kemur Ingi Þór Ágústsson bæjarfulltrúi og er lagt til að hann verði formaður hópsins. Reiknað er með að hópurinn skili tillögum sínum fyrir lok nóvember.

– hj@bb.is

Stjórnendur Listaskóla Rögnvaldar Ólafssonar á Ísafirði:

„Kennarar skólans búa við lakari kjör en aðrir kennarar“

Stjórnendur Listaskóla Rögnvaldar Ólafssonar á Ísafirði telja að kennarar við skólann búi við mun lakari kjör en kennarar við hliðstæðar stofnanir á svæðinu. Þetta kemur fram í bréfi sem sent var bæjarráði Ísafjarðarbæjar á dögunum. Í bréfinu er farið fram á auknið fjárframlag bæjarins til skólans.

Þá segir að skólinn hafi nú fest sig í sessi en í desember

verða liðin 11 ár frá stofnun hans. Nemendur skólans í fastri tónlistarkennslu eru nú 43 og 5 á biðlista. Kennt er á píanó, gítar og rafgítar. Einnig eru námskeið í tónlist, myndlist, leiklist og handverki og eru þau vel sótt. Í nokkur ár hefur verið kenndur dans við skólann og í fyrra hófst samstarf við Listdanssskóla Íslands um kennslu í listdansi og jassballett og eru nemendur í þess-

um listgreinum nú yfir 50 talsins.

Þá segir í bréfi skólans: „Í ráðuneyti menntamála liggur fyrir beiðni um styrk til þessarar starfsemi og til annarra listgreina en tónlistar. Okkur hefur ekki enn borist svar, en við vitum að málið er í alvarlegri athugun. Það er ljóst að styrkur sá sem við fáum frá Ísafjarðarbæ dugar ekki til að endar nái saman og kennarar við Lista-

skólann búa við lakari kjör en aðrir kennarar við hliðstæðar stofnanir á svæðinu. Það er því von okkar að bæjaryfirvöld sjái sér fært að leiðrétta þennan mismun.“

Bréf skólans var lagt fram á bæjarráðsfundi og var samþykkt að vísa því til gerðar fjárhagsáætlunar fyrir árið 2005. Jafnframt var því vísað til Skóla- og fjölskylduskrifstofu til skoðunar. – hj@bb.is

Sjónvarpsútsendingar með ADSL-tækni á Vestfjörðum

Óvíst hvenær útsendingar hefjast

Uppsetning á búnaði til útsendinga sjónvarps með ADSL tækni er hafin að sögn

Evu Magnúsdóttur upplýsingafulltrúa Símans. Sem kunnugt er voru áform Símans um sjónvarpssendingar með þessari tækni kynnt í haust, um leið og hætt var við uppsetningu endurvarpa á ýmsum

stöðum vegna Skjás 1 sem hefur m.a. útsendingarréttinn á ensku knattspyrnunni.

Jafnframt var þess getið að útsendingar með þessari tækni myndu hefjast fljótlega. Eva segir að búnaður til útsendinga sé kominn til landsins og verið sé að setja hann upp í tveimur símsstöðvum á höfuðborgar-

svæðinu. „Við gerum ráð fyrir að þjónustan hefjist í áföngum. Við leggjum mikla áherslu á að ná sem flestum í fyrsta áfanga fyrir júl. Við munum reyna að hraða uppbyggingu þjónustunnar eins mikið og mögulegt er en hefjum hana á höfuðborgarsvæðinu.“

Aðspurð um þá staði sem

safnað höfðu fjármunum til kaupa á endurvörpum segir Eva að Síminn muni taka sérstakt tillit til þeirra staða í sinni uppbyggingu. „Ég get ekki lofað nákvæmari tímasetningum en þessum en eitt er víst að Síminn mun gera sitt besta í þessari uppbyggingu“, segir Eva.

– hj@bb.is

Skipulagsstofnun hafnar stækkun sumarhúsasvæðis í Tungudal

Allar líkur á að áhætta á svæðinu sé yfir ásættanlegum mörkum

Skipulagsstofnun hefur í bréfi til Ísafjarðarbæjar hafnað stækkun sumarhúsasvæðis í Tungudal þar sem hætta á snjóflóðum er yfir ásættanlegum mörkum að mati Veðurstofu Íslands. Snjóflóð féll á þetta svæði í apríl 1994. Veðurstofa Íslands telur að endurskoða beri hættumat svæðisins eftir að byggingu snjóflóðavarnargarðs á Seljalandsmúla lýkur.

Forsaga málsins er sú að á fundi bæjarstjórnar Ísafjarðarbæjar þann 18. desember 2003 lagði Magnús Reynir Guðmundsson bæjarfulltrúi Frjálslyndra og óháðra fram tillögu um skipulag sumarhúsabyggingar í Ísafjarðarbæ. Lagt var til að kannað yrði hvort og með hvaða hætti unnt væri að fjölga lóðum undir sumarhús í Tungudal „t.d. innan við sumarhús Landsbanka Íslands og einnig utan núverandi sumarhúsabyggingar í átt að Seljalandshverfi“, eins og sagði í tillögunni. Tillögu Magnúsar Reynis var vísað til umhverfisnefndar bæjarins.

Þann 13. maí 2004 sendi Ísafjarðarbær erindi til Skipulagsstofnunar þar sem spurt er hvort unnt sé að stækka núverandi sumarhúsabygging í Tunguskógi. Þann 19. maí óskaði Skipulagsstofnun eftir að unnið væri hjá Veðurstofu Íslands, bráðabirgðahættumat vegna ofanflóða á svæðinu. Í bréfi sem Veðurstofan sendi Skipulagsstofnun þann 2. september segir m.a.:

„Um er að ræða svæði sem er framan við svæðið þar sem unnið hefur verið formlegt hættumat og utan við það núverandi frístundabygging. Áhætta í núverandi frístundabygging er metin yfir ásættanlegum mörkum fyrir frístundabygging en þar eru mörkin 5 af 10.000 á ári. Áhætta fremst á svæðinu þar sem samþykkt hættumat gildir er yfir 3 af 10.000 á ári eða svokallað C svæði. Það eru því allar líkur á að áhætta á svæðinu sé yfir ásættanlegum mörkum.“

Til hliðsjónar má nefna að ásættanleg áhætta er talin sam-



Skipulagsstofnun leggst gegn stækkun sumarhúsasvæðis í Tungudal.

kvæmt lögum vera í íbúðarhúsnæði, skólum, barnaheimilum, sjúkrahúsum, samkomuhúsum ef hún er minni en 0,3 af 10.000 á ári. Nú er að lokið gerð snjóflóðavarnargarðs á Seljalandsmúla. Því telur Veðurstofan nauðsynlegt að þegar

byggingu hans lýkur verði hættumat endurskoðað.

Árið 1994 féll snjóflóð á sumarhúsabygginguna í Tungudal og lagði í rúst flest sumarhús á svæðinu. Í september sama ár var leyfð endurbygging húsanna með þeim skilyrð-

um að búseta á svæðinu yrði takmörkuð við tímabilið frá 16. apríl til 15. desember og skylt væri að þinglýsa kvöðinni. Í kjölfarið hafa fjölmörg sumarhús verið endurbyggð. Árið 1999 leitaði Ísafjarðarbær einnig álits á stækkun svæðis-

ins og þá var lagst gegn henni.

Í ljósi svars Veðurstofu Íslands nú telur Skipulagsstofnun ekki rétt að leyfa stækkun svæðisins með sömu rökum og áður, þ.e. að áhætta á snjóflóðum sé yfir ásættanlegum mörkum.

– hj@bb.is



Vörður Vátryggingafélag hf. leitar eftir metnaðarfullum og traustum einstaklingi til þess að setja upp og reka umboðsskrifstofu félagsins á Ísafirði.

Vörður er alhliða tryggingafélag með starfsreynslu frá árinu 1926. Félagið er fjárhagslega traust og með sterka bakhjarla. Félagið er með höfuðstöðvar á Akureyri, útibú í Reykjavík og nokkrar umboðsskrifstofur á landsbyggðinni. Nú viljum við auka viðskipti félagsins á Vestfjörðum með opnun umboðs á Ísafirði. Fyrr á árinu tók Víðir Benediktsson við umboði félagsins í Bolungarvík. Vegna reynslu okkar í skipa- og bátatryggingum höfum við sérstakan

áhuga á að bjóða þjónustu okkar á því sviði.

Frekari upplýsingar um Vörð er að finna á heimasíðu félagsins, www.vordur.is

Áhugasamir aðilar hafi sem fyrst samband við Kristján B. Ólafsson hjá Verði á Akureyri í síma 464 8000. Æskilegt er að umsækjendur hafi mótaðar hugmyndir um staðsetningu, uppbyggingu og rekstur umboðsins. E-mail er kbo@vordur.is. Farið verður með allar umsóknir sem trúnaðarmál.

Einstaklingar og fyrirtæki sem nú þegar vilja hefja viðskipti eða fá tilboð hafi samband við skrifstofu í síma 464 8000.

Vörður Vátryggingafélag hf., á rætur sínar að rekja til ársins 1926 er félagið hóf starfsemi og hét þá Vélbátasamtrygging Eyjafjarðar. Félagið sérhæfði sig í báta- og skipatryggingum og hefur mikla reynslu á þeim markaði. Árið 1996 var nafni félagsins breytt í Vörður Vátryggingafélag og árið eftir hóf fyrirtækið að bjóða upp á alhliða þjónustu í fyrirtækja- og einstaklingstryggingum, svo sem ökutækjatryggingar, eignatryggingar, ábyrgðartryggingar, slysatryggingar og farmtryggingar auk báta- og skipatrygginga sem enn eru stærsti þáttur starfseminnar. Félagið er ört vaxandi vátryggingafélag með höfuðstöðvar á Akureyri, útibú í Reykjavík og nokkrar umboðsskrifstofur á landsbyggðinni. Fjöldi viðskiptavina er í örum vexti og dreifast þeir um land allt.

Lengi býr að fyrstu gerð

– viðtal við Önund Jónsson, yfirlögregluþjón á Ísafirði, um unglinga og áfengi

Vín- og ölgerð eru af mörgum talin vera ein fyrsta tækniuppgötvun mannsins. Í þúsundir ára hefur víndrykkja fylgt mannkyninu. Jafnlengi hefur maðurinn glímt við fylgifiska þessa drykkjar. Fá efni kalla fram svo fjölbreytta hegðan mannskepnunnar. Á það bæði við um neyslu efnisins og umfjöllun um það. Neyslunni fylgir vellíðan, glaðværð, aukið sjálfstraust á mörgum sviðum. Í vísindalegri umfjöllun um vínið er því fundið ýmislegt til lofs og einnig til lasts. Í sama vísindaritinu getur fólk lesið hversu hollt það er að neyta þess og líka hversu óhollt er að neyta þess.

Hannes Hafstein þarf ekki að kynna. Á sumardaginn fyrsta 1885 sungu stúdentar þessar ljóðlínur hans:

Að eggja þarf víst ekki neinn okkar, svo hann drekki nú vorsins skál í skóg. Þótt gott sé vín um vetur, á vorin ennpá betur það hjarta færir fró.

Sá sem þetta kveður er ekki í neinum vafa. Fá mannamót eru svo haldin að ekki sé sungið um vínið og hversu skemmtilegt er að vera undir áhrifum þess. Skyldi einhvern undra þó að spennandi sé að prófa þennan lofaða drykk. En ætli menn sér það rekast menn fljótt á ýmsa þröskulda. Þeir eru misháir en margir. Hví skyldi það vera? Af hverju eru menn að smíða þröskulda á sama tíma og menn syngja um hástöfum um skemmtilega tíma við víndrykkju? Einhvern tímann var sagt að tvennt lærðu íbúar okkar ágæta lands mjög snemma: Annað væri að brjóta áfengislögin og hitt að svíkja undan skatti. Lengi vel var það varla talið til lögbrota að brjóta þau lög. En samt settu menn fleiri lög um þessa hluti og líka flóknari.

Um tíma reyndu menn líka að banna neyslu víns með öllu. Það var reynt víða um heim. Í Bandaríkjunum er talið að áfengisbannið hafi lagt grunninn að skipulagðri glæpastarfsemi sem ennpá hefur ekki verið upprætt. Vestur-Ísland-ingurinn Káinn orti líka:

Landinn svelgir leifar svíns, lán og auður þrotinn. Bölvun fylgir banni víns, byggðin dauð og rotin.

Umræður um áfengismál blossa upp annað slagið hér um slóðir sem annars staðar. Oft eru þær umræður tengdar unga fólkinu. Fullorðna fólkið hefur áhyggjur af því að unga fólkið fari ekki nógu vel með áfengið. Trúlega er það rétt. En hefur unga fólkið nokkurn tímann kunnað að fara með

áfengi? Sennilega ekki. Hvers vegna skyldi það vera? Hver á að kenna meðferð þess? Er það ekki fólkið sem einu sinni var ungt og fór ekki nógu vel með? Hvers vegna í ósköpunum er ekki hægt að koma þessari þekkingu á milli kynslóða öðruvísi en með því að fólk reki sig á?

Sú var tíðin, að í það minnsta tvær nætur í viku var miðbær Ísafjarðar undirlagður af fólki sem var að skemmta sér. Nú eru breyttir tímar. Svo virðist sem eitthvað hafi breyst. Einn þeirra sem þekkja þessi mál betur en flestir aðrir er Önundur Jónsson yfirlögregluþjónn. Hann féllst á að segja frá þessum málum frá sínum bæjardrym séð. Þar fer faðir nokkurra barna og lögregluþjónn.

Ég hafði orð á því við Önund að bæjarbragurinn á Ísafirði hefði breyst um helgar.

„Já, á árunum 1990-95 var ástandið þannig hér í bænum að göturnar voru fullar af fólki aðfaranætur laugardaga og sunnudaga. Þá fóru börn og unglingar um göturnar veifandi áfengisflöskum og biðu eftir því að böllunum lyki í danshúsunum. Eftir böll kom fullorðna fólkið út og fékk sér pylsu í pylsuvagninum, sem þá var í miðbænum. Þar endurnýjaði fólkið kraftinn. Þá blönduðust hópar unglinga og fullorðinna og miðbærinn varð einn samfelldur partístaður til morguns. Því fylgdi ýmislegt eins og að sturtað var úr öllum ruslafötum í miðbænum. Þegar menn voru búnir að drekka úr glösunum sem þeir höfðu með sér af skemmtistöðunum var þeim hent í næsta húsvegg og mölbrotin. Bærinn var bókstaflega á kafi í glerbrotum á þessum árum.“

Bæjarbragnum breytt

„Hér hjá embættinu var sest niður og rætt hvað hægt væri að gera til þess að sporna við þessu ófremdarástandi. Nokkru árum áður var mjög í frétt-

um þegar lögreglustjóri í New York ákvað að fækka morðum þar með því að taka fyrst hart á minni brotum. Ekki höfðu margir trú á þessari aðferð en hún hafði áhrif. Við það að auka aga í minni málum, þá smitaðist það á milli og stærri brotum fækkaði. Þó að við höfum nú ekki verið að bera saman þessa staði og því síður alvarleika þessara brota, þá ákváðum að fara sömu leið.

Við fórum fyrst og fengum okkur samstarfsaðila. Við ræddum við félagsmála- og fræðslufirvöld bæjarins. Við fengum leyfi til þess að heim-sækja skólana fyrst á haustin og í framhaldinu var farið að huga að skipulögðu forvarnastarfi. Þetta var í ársbyrjun 1996. Árið 1997 ákvað síðan ríkisstjórnin að veita fjármunum til starfa eins fíkniefnalögreglumanns á Ísafirði. Í stað þess að binda hann niður eingöngu í fíkniefnamálum ákváðum við að skipta starfinu á þá sem fyrir voru, þannig að nú fóru allir, að hluta til, að sinna forvarnamálum og fræðast um þau í leiðinni. Menn skiptu einfaldlega á milli sín einu starfi og í kjölfarið skiluðum við tveimur störfum í fíkniefna- og forvarnamálum. Síðan er búið að vinna mjög mikið starf hér innan dyra í þessum málum.

Við ákváðum að sinna öllum smærri málum. Við ákváðum að uppræta þann ósið að fólk væri að meðhöndla áfengi á almannaþæri. Við ákváðum líka að koma í veg fyrir að fólk kæmist með áfengi út af veitingastöðum. Það var lenska að menn keyptu sér drykk rétt fyrir lokun og fengu að setja hann í plastglas við útgöngu og drukku síðan í bænum. Þessi mál tókum við föstum tökum. Við tókum áfengi af öllum unglingum sem voru undir 18 ára. Það var gert undantekningarlaust. Áfengið var af þeim tekið og skýrsla gerð sem fór til félagsmálayfirvalda. Við ræddum síðan við foreldrana. Áfengið var síðan sent til ÁTVR til eyðingar. Fyrstu vikurnar og mánuðina vorum við bara grimmir á götunum og gáfum að stöðva þann ósið að menn köstuðu af sér vatni á almannaþæri og tókum líka á sóðaskap. Þeir sem uppvísir urðu að sóðaskap voru látnir hreinsa upp eftir sig. Vorum mjög harðir í því og erum það ennpá. Að þurfa að hreinsa upp eftir sig fyrir framan fjölda fólks er ein áhrifaríkasta refsing sem til er.“

VÁVEST stofnað

„Þegar VÁVEST-hópurinn var stofnaður varð hann strax mikill bakhjarl fyrir lögregluna. Sá hópur hefur kynnt forvarnamál hjá íþróttafélögum og fleiri félögum. Síðan var Gamla Apótekið stofnað og þar hófst blómleg starfsemi. Í dag erum við að upplífa mjög breyttar aðstæður. Eins og áður kemur mikið af fólki af veitingastöðunum. Fólk neytir þar áfengis en að því loknu fer það heim. Þessi almenna áfengisneysla með gauragangi og látum er úr sögunni. Ég get nefnt dæmi. Hér á árum áður var það algengt að rúður væru brotnar í miðbænum á hverri einustu helgi. Oft voru þær fleiri en ein og fleiri en tvær rúðurnar sem brotnuðu. Sumum fannst það bara tilheyrja að brjóta rúður í fyllirí. Eftir helgar var ekki spurt hvort rúður hefðu verið brotnar heldur hversu margar. Nú er þetta líðin tíð sem betur fer. Nú hrekkur maður við ef rúða brotnar og venjulega er það vegna óhapps, sem það gerist í dag.“

– Hvernig voru viðbrögð fólks þegar þið hertuð á málum?

„Þau urðu almennt mjög góð. Við áttum mjög gott samstarf við Steinþór Friðriksson veitingamann þegar við unnum að þessum breytingum. Almennt tók fólk þessu mjög vel. Flestir foreldrar þökkðu okkur fyrir þegar við komum með börnin eða unglingana heim. Sumir foreldranna voru síðan mættir í foreldraröltið nokkrum vikum seinna. Hins vegar hefur það komið fyrir, þegar við komum heim með dauðadrukkin börn, að foreldrar hella sér yfir okkur og nefna hvort við höfum ekkert þarfara að gera. Þá höfum við einfaldlega svarað neitandi. Það er fátt þarfara en að koma ósjálfbjarga börnum og unglingum til hjálpar.“

– Er algengt að það komi foreldrum í opna skjöldu þegar það kemst upp að börn þeirra eru byrjuð að drekka?

„Já, það er mjög algengt. Flestum kemur þetta mjög á óvart. Grun hef ég hins vegar um það að þeir foreldrar sem taka okkur illa og finna að því að við skiptum okkur af séu þeir sömu foreldrar sem kaupa vín handa börnum sínum.“

– Ertu að segja mér að til séu foreldrar sem kaupa vín fyrir börn sín sem ekki eru eldri en 15-16 ára gömul?

„Já, því miður er það þannig. Við höfum upplýsingar um foreldra hér í bænum sem kaupa ekki bara fyrir sín börn heldur einnig önnur börn. Þessir foreldrar afsaka sig með því að það sé betra að þeir geri

það frekar en einhver úti í bæ. Þetta eru auðvitað fáránleg rök. En því miður er þetta nú svona.“

Brotalöm áfengislaganna

„Þetta leiðir hugann að þeirri brotalöm sem ég tel vera í áfengislöggjöfinni okkar. Í henni segir að þú megir umgangast áfengi frá átján ára aldri en ekki neyta þess fyrr en þú ert orðinn tvítugur. Þetta er að mínu áliti svipað því ef þú mættir kaupa miða í bíó en ekki horfa á myndina nema með öðru auganu. Fólk má fara inn á veitingastaði átján ára en ekki kaupa áfengið fyrr en tvítugt. Í tvö ár máttu vera innan um fólk sem er að kaupa og drekka áfengi en mátt ekkert gera sjálfur. Síðan er ábyrgðin sett á herðar þess er selur. Hans er að passa að allt fari löglega fram á staðnum. Þetta er skondin framsetning laganna. Hvernig á sá sem er að á kafi í að afgreiða vín að geta fylgst með því hver drekkur vínið löngu eftir að hann er búinn að selja það?

Sama segi ég með áfengisverslanirnar. Það er auðvitað út í hött að þar geta allir farið inn með fullorðnum og allt að því bent á það sem kaupa á. Þarna eru Ameríkumenn miklu ákveðnari. Þegar þú ferð í stórmarkaði þar sem hægt er að kaupa bjór, þá eru þar krakkar að setja í verslunarpokana fyrir þig. Þau enda með því að skapa rúm fyrir bjórkipputna í pokanum en setja hana ekki hann. Ástæðan er sú að þau mega ekki snerta áfengið. Það er ekkert flóknara en það. Þú einfaldlega mátt ekki snerta áfengi fyrr en við ákveðinn aldur og því er framfylgt. Reglur eru þar einfaldar og því er einnig einfalt að framfylgja þeim. Því er ekki að heilsa hér.

Til þess að kóróna ruglinginn hafa nokkrir þingmenn flutt frumvarp í þá veru að leyfilegt verði að selja átján ára fólki léttvín og bjór í Ríkinu og á veitingastöðum. Þá er verið að bæta enn einu kerfinu við. Verði þetta að veruleika flækjast málin enn frekar með þeim afleiðingum að erfiðara verður að framfylgja lögunum.“

– Þú vilt því ekki að neinn megi fari inn í Ríkið eða inn á vínveitingastaði fyrr en hann hefur aldur til þess að neyta áfengis?

„Já, nákvæmlega. Það þarf einfaldari reglur.“

Tvískinnungur í reglum

– En hví í ósköpunum eru reglurnar svona? Hverjum er greiði gerður með þessu sem þú kallar tvískinnung?

„Ég held að þetta sé afleiðing baráttu frjálsbyggjumanna og templaranna. Þarna hafa stjórnmálamenn verið að reyna að setta fylkingar fólks með mjög ólíkar skoðanir. Þetta hafa menn eflaust kallað sáttaleið á sínum tíma. Menn hafa verið að reyna að mætast á miðri leið. En stundum verður ekkert vit í því sem menn kalla að mætast á miðri leið og þetta er gott dæmi um slíkt. Áfengislögin eru gerð undir kringumstæðum sem maður getur líkt við gerð erfiðra kjarasamninga. Útkoman verður loðin og sjaldnast tekið skýrt fram hvernig hlutirnir eigi að vera og hver viðurlög við einstökum brotum eigi að vera.

Eitt dæmi er þegar vínveitingastaðir brjóta reglur. Þá fer hér í gang mikið ferli sem oft endar í alls kyns áminningum. Kanadamenn eru með einfalt kerfi. Þar ferðast eftirlitsmenn um landið og taka staðina út hvern fyrir sig. Verði menn uppvísir að brotum er stöðnum lokað tímabundið. Málið er einfalt í þeirra augum. Þar dettur til dæmis engum í hug að fara með barn inn á vínveitingastað. Það er einfaldlega bannað og það vita allir. Við viljum hins vegar hafa hlutina það flókna að fólk sé eilíflega í vafa.“

– Ekki ertu að tala um að herða eigi reglur hvað þessi mál varðar?

„Nei, alls ekki. Það dettur mér ekki í hug. Við eigum að einfalda hlutina. Mér finnst til dæmis að það eigi að lækka áfengisaldur í átján ár. Við eigum líka að hækka ökuþrófsaldur í átján ár. Um leið má lengja æfingaldur í tvö ár. Sautján ára unglingur er ekki fjárráða en samt erum við að afhenda honum í hendurnar ökutæki fyrir milljónir króna án athugasemda. Við komum í raun fram við unglinginn eins og hann sé fjárráða, en hann er það ekki.

Af hverju erum við að senda þessu unga fólki svona röng skilaboð? Það eru röng skilaboð að leyfa unglingum að umgangast áfengi átján ára en þeir mega ekki drekka það fyrr en tvítugir. Þessi röngu skilaboð verða til þess að þessi lög eru í miklum mæli hundsud. Það kemur mjög skýrt fram í umgengni fólks við áfengislöggjöfina. Það þykir ekkert mál að brjóta hana og þar af leiðandi finnst mörgum óþægilegt og jafnvel óþarft að lögreglan sé að framfylgja þeirri löggjöf. Þess vegna vil ég ein-

falda þetta og leyfa fólki sem flest við áttján ára aldur.“

Fækkun umferðarslysa

„Í einu ríkja Bandaríkjanna hefur mönnum tekist að fækka mjög umferðarslysum ungra ökumanna. Þetta hefur tekist með breyttum reglum. Þar er æfingaaksturinn í eitt ár. Þegar unglingur hefur síðan tekið prófið verða foreldrar að tilkynna til tryggingafélags fjölskyldubílsins að kominn sé nýr ökumaður í fjölskylduna. Þá spyr tryggingafélagið hvort unglingurinn verði látinn aka einsamall. Sé svo, þá hækka tryggingaiðgjöldin allt að 100% af bifreiðinni fyrstu tvö árin. Hins vegar getur fólk skuldbundið sig til þess að einhver eldri en 25 ára fylgi ávallt unglingnum í bílnum og þá breytast iðgjöldin ekki. Með þessum ráðstöfunum hefur verið hægt að fækka slysum.

Sigrún Stefánsdóttir fréttamaður sagði skemmtilega frá þessu á Umferðarþingi fyrir nokkrum árum. Hún tók dæmi af tveimur sonum sínum. Annar þeirra tók próf í Bandaríkjunum samkvæmt þessum nýju reglum og hann slapp algjörelga við slys fyrstu ár ökuferils síns. Hinn sonurinn tók próf á Íslandi. Daginn eftir að hann fékk skírteinið var hann búinn að vefja fjölskyldubílnum um ljósastaur.

Þetta er ekkert öðruvísi en þegar börnin byrja að labba. Það dettur engu foreldri í hug að leyfa þeim að labba einum fyrstu dagana. Við aðstoðum þau og segjum þeim til. Þegar þetta sama barn verður sautján ára, þá kemur það heim og við afhendum því lyklana að fjölskyldubílnum og segjum því að fara út að keyra. Barnið hefur þrátt fyrir góða kennslu litla sem enga reynslu. Sem dæmi má nefna, að talið hefur verið að fyrstu 500 klukkustundirnar í akstri jafngildi í slysaþættu næstu 5000 stundunum þar á eftir.“

Aldrei má sofna á verðinum

– Það hefur ekkert farið framhá neinum að hér hefur verið mikið forvarnastarf í bænum. Er hugsanlegt að þetta starf hafi gefið falskt öryggi? Að fólk sé ennþá sannfærðara að þeirra börn smakki ekki áfengi af því að hér sé svo gott forvarnarstarf?

„Það getur vel verið í undantekningartilfellum en það er ekki almennt. Við megum aldrei sofna á verðinum. Það er eins öruggt og að nótt fylgir degi að unglingar prófa einhvern tímann að drekka áfengi. Ekkert er eðlilegra. Foreldrar mega aldrei hætta að fylgjast með börnunum þrátt fyrir að forvarnastarf sé öflugt. Hversu öflugt sem það starf er mega foreldrar aldrei sofna á verðinum. Það má hins vegar ekki færast í þá veru að við séum ávallt að vantreysta börnum okkar. Það er jafnslæmt. Við

verðum að passa að skapa börnunum ekki hættuleg tækifæri. Kvöldin og næturnar eru hættulegasti tíminn. Eftirlaus partí og fleira í þeim dúr. Það er ekkert vit í því að láta börnin vera að kynnast áfengi í einhverjum stórum partíum sem beinlínis eru haldin til þess að allir verði blindfullir. Við verðum að kynna börnunum vínið á annan hátt.“

– Er hugsanlegt að með of miklu eftirliti séum við að safna upp þörf hjá unglingum til þess að rasa út eins og við þekkjum af nýlegum fréttum sem standa okkur hér vestra nærri?

„Nei, það held ég ekki. Eins og ég sagði verðum við að kynna þessa hluti fyrir börnum og unglingum. Enginn staður er þar betri en heimilið sjálft. Við verðum að ræða þessi mál við þau. Kenna þeim hvar draga eigi mörkin. Fara yfir með þeim þau siðferðismörk sem verða að gilda. Koma því að hjá þeim að það sé ekki eðlilegt að drekka sig útúrfullan.“

– Hefur bjórinn slævt þau mörk sem áður voru hvenær menn byrjuðu að drekka? Að það þyki ekki lengur nein drykkja að drekka „bara“ bjór?

„Já, það er nokkuð til í því. Bjórinn hefur breytt miklu. Hann hefur lækkað neyslualdurinn hjá unglingum. Viðmið foreldra hefur breyst. En það má ekki gleyma því að bjórinn er auðvitað áfengi. Hins vegar hefur bjórinn valdið því að fólk er almennt ekki eins illa drukkið og það var áður. Það er sjaldgæfara að við þurfum að setja menn inn fyrir það eitt að menn séu svo ölvaðir að þeir geti ekki gert grein fyrir sér. Við erum nánast hættir að sjá slíka hluti. Að því leyti hefur bjórinn verið til góðs. Við sjáum það líka að fólk kemur ekki eins drukkið af böllum og áður. Við sjáum sjaldnar dauðadrukkið fólk. Bjórinn virkar í það minnsta betur á fæturna á fólki en vín-ið.“

Skemmtanir án áfengis

„Við verðum að koma því inn hjá unglingum sem eru að fara á böll og í útilegur, að það sé hægt að fara í slíkar ferðir án þess að vera klyfjaður af áfengi. Það sé hægt að drekka vín í hófi. Það gleðilega hefur líka gerst á undanförnum árum, að við sjáum að unglingar fara í auknum mæli á böll án þess að drekka áfengi. Hér á árum áður voru mjög fáir sem fóru á böll án þess að bragða áfengi. Nú er þetta stærri hópur sem finnst það valkostur að vera edrú á böllum. Við fundum þegar þessi þróun var að eiga sér stað á þann veg, að bílum fór fjölgandi fyrir utan ballhúsin. Því var ákveðið að fylgjast með umferð að böllum loknum. Þegar allir voru farnir heim voru kannski aðeins tveir bílar eftir við ballhúsið. Við könnuðum síðan ökumenn annarra bíla og í ljós kom að það var í lagi með þá alla.



Þetta var mikið framfaraskref. Maður verður stoltur þegar svona hlutir gerast.“

– Hefur félagslegi þrýstingurinn frá vinunum minnkað í áfengisneyslunni?

„Já, hann hefur gert það. Hér áður var byrjað í tóbaki og menn voru látnir finna það að enginn var maður með mönnum nema að reykja. Síðan urðu menn að byrja að drekka áfengi og endirinn var í eiturlyfjum. Allt gerðist þetta fyrir þrýsting og vegna þess að þetta þótti töff. Staðreyndin er sú að þeim sem veitist auðvelt að reykja ekki veitist líka auðveldara að standast líka freistingar annarra vímugjafa. Þetta er mín tilfinning. Þeir sem reykja ekki drekka sjaldnar. Það finnur maður líka þegar komið er á heimili þar sem vandræði eru vegna áfengisneyslu. Þar er yfirleitt reykjarmökkur. Þetta helst oft í hendur.“

– Hefur skemmtanamenningin breyst hér um slóðir? Er eldra fólk ekki minna að fara út að skemmta sér?

„Ég held að þetta hafi breyst mest með brotthvarfi togaranna. Sjómenn þeirra fóru jú eðlilega að skemmta sér þegar þeir voru í landi. Því voru skemmtanir hér fleiri kvöld og það voru fleiri böll. Nú orðið er stærsti hluti bæjarbúa fólk sem vinnur reglulegan vinnutíma og því ber minna á

skemmtanahaldi en áður. Svo hefur okkur auðvitað fækkað. Fólk skemmtir sér líka betur en áður og öðruvísi. Nú fer fólk yfirleitt fyrir heim. Þegar böllin eru búin fer fólk flest beint heim. Áður var fólk kannski að þvælast um bæinn til morguns. Það hafði auðvitað slæm áhrif á unglinga að horfa á fullorðið fólk flækjast um bæinn með vínglas í hönd sem síðan var stútað á gangstéttinni. Þetta var ekki góð auglýsing fyrir unglinga.“

Áfengisauglýsingar

– Eitt er það atriði sem oft er nefnt þegar rætt er um tvískinnung í áfengismálum okkar. Það eru auglýsingar á áfengi. Nú er það skýrt í lögum að það má ekki auglýsa áfengi. Hins vegar eru tímaritin að fyllast af þessum auglýsingum. Hvers vegna er ekki tekið á þessum málum? Hvar eru lögregluyfirvöld?

„Já, þetta er athyglisvert mál. Skoðum almenningsálitið. Það er líka bannað að auglýsa tóbak. Þar er almenningsálitið mjög sterkt. Það eru allir sammála um þau mál. Sá sem selur tóbakið veit það. Það vita blaðaútfendur líka. Þegar kemur að áfenginu er önnur saga. Almenningsálitið er öðruvísi. Það er búið að skapa það sem menn kalla vínmenningu. Þess vegna eru innflytj-

andur og útgefendur tilbúnir að ganga lengra þrátt fyrir bannið. Menn eru tilbúnir að láta á það reyna hvað er löglegt í þessu efni þrátt fyrir að bannað sé að auglýsa áfengi. Auðvitað mættu lögin vera skýrari. Hvað er auglýsing? Er það auglýsing að mæla með ákveðnu víni með ákveðnum mat? Við sjáum risastórar bjórauglýsingar þar sem neðst í horninu sést að menn eiga við léttöl. Eflaust er líka hægt að fara í kringum tóbakslögin. Hins vegar er almenningsálitið ekki nógu sterkt gegn þessum áfengisauglýsingum. Við getum líka sagt að löggjafinn mætti vera skýrari þegar lögin eru sett.“

– Á sama tíma og löggjafinn og lögregluyfirvöld eru að hugsa málið, er þá ekki búið að skapa þörf fyrir þessa fjármuni frá áfengisframleiðendum? Við sjáum þessar bjórauglýsingar við íþróttamannvirki hér hjá okkur sjálfum. Verður nokkuð aftur snúið?

„Já, það er rétt. Það er búið að skapa þörf fyrir þessa fjármuni en ég vil ítreka að mér finnst almenningsálitið ekki nægilega sterkt gegn þessu.“

– Er það raunverulega þannig?

„Já, þetta er rétt. Það er búið að skapa þörf fyrir þessa fjármuni en ég vil ítreka að mér finnst almenningsálitið ekki nægilega sterkt gegn þessu.“

– Er það raunverulega þannig?

„Já, þessir aðilar færa sig auðvitað upp á skaftið af því að almenningi finnst þetta ekkert slæmt. Því miður. Þetta er nánast orðið frjálst og ég held

að ekki verði aftur snúið nema með mjög harkalegum lögregluaðgerðum. Hvort það borgar sig er önnur saga. Þegar styrkir til íþróttamóta eru farnir að felast í nokkrum kössum af bjór eru ekki margir þröskuldar eftir.“

– Tökum þá annað dæmi. Nú eru framleiddir skór undir merki Camel. Er eitthvað því til fyrirstöðu að ég fari að flytja þá inn og auglýsi Camel með risastórum skiltum og neðst í horninu sé ritað að hér sé verið að auglýsa skó?

„Ja, skoðaðu umhverfið. Þú sérð ekki oft hér í umhverfinu tóbaksauglýsingar. Nú er vinsælt að ganga í skrautlegum bolum. Hér sérðu mikið af slíkum bolum með áfengis- og bjórmerkjum. Þú sérð hins vegar mjög sjaldan slíka boli hér með tóbaks- eða eiturlyfjamerkjum. Hjá nágrönnum okkar Dönum er þessu öðruvísi háttað. Þeir eru miklir reykningamenn. Þar er líka mjög mikið um boli með tóbaksmerkingum. Það sem verra er að þar er líka mikið um boli með alls kyns eiturlyfjamerkjum. Ég var þar í vor og þar sá maður smábörn í bolum til styrktar Kristjaníu og merkið var maríjúanaplantan. Ég var að leita þar að bol fyrir dóttur mína. Yfirgnæfandi hluti allra bola var með áfengis-, tóbaks- og eiturlyfjamerkingum.

Þetta sýnir hvernig almenningsálitið getur verið mjög misjafnt á milli nágrannalanda. Dæmið með Dani sannar að það er almenningur sjálfur sem hefur mest að segja í því hvernig umræðan og umgengni okkar um vímuefni verður. Auðvitað leggur löggjafinn ákveðnar línur. Lögreglan getur með sínum störfum skapað aðhald. Fyrst og síðast snúast þessi mál hins vegar að fólkinu sjálfu. Hvernig það vill hafa hlutina og hvernig það kennir sínum börnum í upphafi að umgangast hlutina. Það eru gömul sannindi sem rétt er að hafa í huga í þessu sambandi. Lengi býr að fyrstu gerð.“

Á góðum stundum syngjum við um vínið og hjartari hliðar þess. Bjartari hliðarnar eru yfirleitt sýnilegri. Kristján Jónsson Fjallaskáld var efnilegur maður. Hann drakk sig í hel á nokkrum árum. Enn í dag læra börn og unglingar ódauðleg ljód hans. Í skólabókunum er þó ekki kvæðið sem hann kallaði Delerium tremens. Þar segir:

Ég er hraustur, ég er veikur,
ég er hryggur, glaður þó;
ég er óhræddur, ég er smeykur,
ég er snauður, ríkur þó.
— — —
Ég er óður, ég er hægur,
Ég kýs allt og neitt ei vil;
ég um alla jörð er frægur,
ég hef aldrei verið til.

Í áfengis og vímuvarnamálum verður að halda fram öllum hliðum þeirra. Eins og í öllum öðrum málum.

— *Halldór Jónsson.*

Magnús Reynir Guðmundsson, bæjarfulltrúi Frjálslyndra og óháðra

„Afstaða Vegagerðarinnar með öllu ólíðandi“

Bæjarfulltrúi Frjálslyndra og óháðra, Magnús Reynir Guðmundsson, segir afstöðu Vegagerðarinnar til hugsanlegrar lækkunar hámarkshraða innan við Hafrafellsháls með öllu ólíðandi og að stofnunin sýni bæjarstjórn ótrúlegan yfirgang og sýni þeim lítillsvirðingu sem minnka vilja slysaheittu. Bæjarráð Ísafjarðarbæjar fól bæjarstjóra í gær að ræða við forsvarsmenn Vegagerðarinnar um hugsanlega lækkun hámarkshraða á þjóðvegnum innan við Hafrafellsháls að afleggjara að Ísafjarðarflugvelli. Þetta var ákveðið í kjölfar þess að Vegagerð ríkisins hefur hafnað samþykkt bæjarstjórnar um lækkun hámarkshraðans á þessum vegarkafla úr 90 km/klst í 60 km/klst.

Í bréfi Magnúsar V. Jóhannssonar svæðisstjóra Vegagerðarinnar í Borgarnesi segir m.a.: „Vegagerðin hefur fullan skilning á áhyggjum fulltrúa sveitarfélagsins vegna þessa máls. Málum er hins vegar þannig háttað, að al-



Magnús Reynir Guðmundsson. mennt gildir 90 km/klst hámarkshraði á þjóðvegakerfinu utan þéttbýlis þar sem vegir eru lagðir bundnu slitlagi. Umræddur vegarkafli er tvímælaust utan þéttbýlis og ekki augljóst af umhverfinu, að þörf sé á að lækka hraða. Hefur sýnt sig, að umferðin tekur lítið tillit til þóða um það efni við slíkar aðstæður, og er ekki líklegt að sú aðgerð að lækka hámarkshraða muni auka öryggi gangandi vegfarenda, sem einnig hafa aðra valkosti

varðandi öruggari gönguleiðir á þessu svæði. Telur Vegagerðin því ekki rétt, að svo komnu, að leggja til, að hámarkshraði verði lækkaður á umræddum vegarkafli.“

Magnús Reynir sem flutti upphaflega tillögu um lækkun hámarkshraðans segir afstöðu Vegagerðarinnar með öllu ólíðandi. „Þetta er ótrúlegur yfirgangur sem Vegagerðin sýnir bæjarstjórn í þessu máli. Ég minni á að bæjarstjórn samþykkti samhljóða þessa tillögu og því eru viðbrögð Vegagerðarinnar út í hött. Þessi vegarkafli er mjög vinsæl gönguleið almenninga og þangað til kominn er þarna sómasamlegur göngustígur verður að lækka hámarkshraðann. Mér finnst svar Vegagerðarinnar vera lítillsvirðing við þann vilja bæjarstjórnar að minnka slysaheittu á þessum vegi“, segir Magnús.

Aðspurður segir Magnús Reynir þessu máli ekki lokið. „Ég trúi því ekki fyrr en ég tek á því að yfirvöld vegamála séu mótfallin slysavörnum.

Það er umhugsunarefni í þessu sambandi hvort þarna séum við að upplifa hið nýja skipurit Vegagerðarinnar. Margir óttuðust afleiðingar þess að yfirstjórn okkar svæðis var sett undir Borgarnes. Þessi byrjun þeirrar nýju yfirstjórnar lofar ekki góðu“, segir Magnús Reynir. – *hj@bb.is*

Læra ensku og dönsku

Um 30 börnum í Grunnskólanum á Suðureyri eru kennd tungumál þrátt fyrir verkfall kennara. Stundakennari kennir nemendum í 5-10. bekk ensku og dönsku.

„Nemendurnir mæta vel enda er ekki um neitt annað að ræða, það er skólaskylda þótt kennarar séu í verkfalli“, segir Magnús S. Jónsson, skólastjóri sem segir að hann hafi hvorki fengið jákvæð né neikvæð viðbrögð vegna kennslunnar. „Þegar liður á verkfallið finnst mér það vera forréttindi að einhver kennsla sé.“



Ófaglært starfsfólk leikskólans Sólborgar er óánæggt með kjör sín.

Ófaglært starfsfólk á leikskólum

Lægst launað hjá Ísafjarðarbæ

Í samanburði sem leikskólafulltrúi Ísafjarðarbæjar lagði fram á fundi fræðslunefndar bæjarins á dögunum kemur fram að laun ófaglærðs starfsfólks leikskólanna í Ísafjarðarbæ eru þau lægstu af þeim sveitarfélögum sem í samanburðinum eru. Samanburðurinn var lagður fram ásamt undirskriftarlista frá ófaglærðu starfsfólki leikskólans Sólborgar á Ísafirði þar sem starfsfólkið fer fram á leiðréttingu á launum sínum.

Sigurína Jónasdóttir leikskólafulltrúi Ísafjarðarbæjar segir að ófaglært starfsfólk

leikskólanna starfi samkvæmt kjarasamningum FosVest (Félag opinberra starfsmanna á Vestfjörðum) og sveitarfélaganna. Sé tekið mið af samanburði launa í öðrum sveitarfélögum sé ljóst að þessi hópur starfsmanna hafi setið eftir. Sem dæmi má nefna að ófaglært starfsfólk leikskólanna í Árborg er með um 7% hærri laun fyrir sömu vinnu og á Akranesi eru launin um 19% hærri en hjá Ísafjarðarbæ. Sigurína sagði að nú væri verið að fara nánar yfir þessi mál m.a. á vettvangi starfsmatsnefndar. – *hj@bb.is*

Fræðslunefnd Ísafjarðarbæjar

Vill að stofnað verði skólaminjasafn

Fræðslunefnd Ísafjarðarbæjar leggur til við bæjarstjórn að stofnað verði Skólaminjasafn Ísafjarðarbæjar og samhliða uppbyggingu þess verði skráð skólasaga svæðisins. Var þetta ákveðið á fundi nefndarinnar fyrir skemmstu en þar mætti Elías Guðmundsson, formaður atvinnumálanefndar Ísafjarðarbæjar, til að ræða mögulega stofnun safnsins.

„Við ákváðum að leggja það

fyrir og fá samþykki bæjarstjórnar áður en fjallað yrði um hvaða leið yrði farin til að koma á stofn slíku safni“, segir Svanlaug Guðnadóttir, formaður fræðslunefndar. „Safnið er hugarfóstur Skarphéðins Jónssonar og hann hefur fjölmargar hugmyndir um það hvernig ætti að standa að uppbyggingu þess.“

Á fundi nefndarinnar þann 14. september var lagt fram bréf Skarphéðins Jónssonar,

skólastjóra Grunnskólans á Ísafirði, ásamt skýrslu sem hann ritaði árið 2001 um uppbyggingu skólaminjasafns. Óskaði þá fræðslunefnd eftir því að fulltrúar menningarmálanefndar og atvinnumálanefndar kæmu á næsta reglulega fund nefndarinnar til að ræða hugmyndina. Eins og áður sagði mætti formaður atvinnumálanefndar en fulltrúi menningamálanefndar boðaði forföll. – *thelma@bb.is*

Minningartónleikar um Ragnar H. og Sigríði í Ísafjarðarkirkju

Diddú og Jónas skemmta

Sigrún Hjálmtýsdóttir óperusöngkona og Jónas Ingimundarson píanóleikari koma fram á árlegum minningartónleikum um hjónin Sigríði Jónsdóttur og Ragnar H. Ragnar sem haldnir verða í Ísafjarðarkirkju kl 20 á sunnudagskvöld. Á efnisskrá eru óperuáriur, íslensk og erlend sönglög, en einnig mun Jónas leika einleik á flygilinn. Að sögn Jónasar

er efnisskráin blönduð, fjölbreytt og ekki síst glaðbeitt. Tónleikarnir hafa verið árlegur viðburður frá árinu 1988 og eru ávallt haldnir á haustin, oft nálægt afmælisdegi Ragnars 28. september.

Ragnar stjórnaði Tónlistarskóla Ísafjarðar frá stofnun hans árið 1948 til ársins 1984 og naut við það aðstoðar Sigríðar konu sinnar. Undir þeirra

stjórn varð skólinn öflug menningarstofnun, landsþekktur fyrir góða kennslu og kraftmikla stjórn við erfiðar aðstæður. Ragnar var einnig organisti Ísafjarðarkirkju og stjórnaði Sunnukórnum og Karlakór Ísafjarðar um áratuga skeið. Sigríður kenndi við Tónlistarskólann og var jafnframt einn ástsælasti kennari Grunnskólans á Ísafirði.

Fasteignasala

Tryggvi Guðmundsson hdl.

TRYGGVI GUÐMUNDSSON HDL
Mafnarstræti 1 – Ísafirði
Sími: 456 3244
Fax: 456 4547
Netfang: eignir@tg.is
Heimasíða: www.tg.is

Einbýlishúsráðhús:

Aðalstræti 12: 129 m² íbúð á tveimur hæðum með kjallara í tvíbýlishúsi. Verð 7,9 m.kr.

Mánagata 2: 148 m² íbúð á tveimur hæðum í tvíbýlishúsi ásamt 23,7 m² nýrri viðbyggingu. Verð 7,9 m.kr.

Brautarholt 4: Steinsteipt 140 m² einbýlishús á einni hæð ásamt 34 m² frágengnum bílskúr. Verð 14,9 m.kr.

Bakkavegur 4b: 100 m² lítið einb.hús, að hluta uppgerð ásamt nýrri viðbyggingu. Verð 3,5 m.kr

Dalbaut 13: 176 m² steinsteipt einbýlishús á einni hæð ásamt 55 m² bílskúr. Verð. 10,5 m.kr.

4-6 herbergja íbúðir:

Stórholt 13: 103 m² 4ra herb. íbúð á 3.hæð ásamt 21 m² bílskúr og geymslu. Tilboð óskast.

Sundstræti 34: 140 m² nýleg 4ra herbergja íbúð í nýuppgerðu fjölbýlishúsi. Verð 11,2 m.kr.

Silfurgata 6: fimm herb. íbúð á 2.hæð ásamt geymslum í kjallara, alls 212 m². Verð 8,2 m.kr.

Aðalstræti 12: 129 m² íbúð á tveimur hæðum með kjallara í tvíbýlishúsi. Verð 7,9 m.kr

Sólgata 8: 101 m² íbúð á efri hæð í þrívílishúsi með auka-herbergi í kjallara. Verð 7,0 m.kr.

Smíðjugata 7: 96,1 m² 4ra herb. íbúð á e.h. í tvíbýlishúsi.

Vegna mikillar sölu á stærri eignum undanfarið vantar okkur eignir á söluskrá. Mikið er spurt eftir einbýlis- og raðhúsum í Holtahverfi sem og stærri eignum á eyrinni.

Verð 6,4 m.kr.

Túngata 12: 99 m² íbúð á miðhæð í þrívílishúsi ásamt bílskúr og garði. Verð 7,9 m.kr.

3ja herbergja íbúðir:

Silfurgata 11: 56,2 m² (75m² gólfblötur, mikið rými í risi) Áhv. ca. 3,4 m.kr. Verð 5,8 m.kr.

Sólgata 8: 68 m² íbúð á n.h. í þrívílishúsi. Áhv. ca. 3,2 m.kr. Verð 5,3 m.kr.

Sundstræti 22: 3ja herb. 62,6 m² íbúð í kjallara í fjörbýlishúsi. Verð 4 m.kr.

Aðalstræti 17: 107 m² þriggja herbergja íbúð á 1. hæð í fjölbýlishúsi. Verð 7,5 m.kr.

2ja herbergja íbúðir:

Engjavegur 33: 50,4 m² íbúð á n.h. í tvíbýlishúsi. Verð 4 m.kr.

Hlíf 2, Torfnesi: 50,4 m² 2ja herb. íbúð á 4.hæð á Dvalarheimili aldraðra. Verð 6,3 m.kr.

Fjarðarstræti 6: 77,3 m² íbúð á 1. hæð í fjölbýlishúsi ásamt sér geymslu. Verð 4,6 m.kr.

Seljalandsvegur 58: 52,1 m² íbúð á n.h. í tvíbýlishúsi ásamt helmingi tvöfalds bílskúrs. Áhv. ca. 600 þ.kr. Tilboð óskast

Atvinnuhúsnæði:

Arnagata 3: 562 m² atvinnuhúsnæði við hafnarvæði. Stórt og rúmlegt smíðaverkstæði með skrifstofuáðstöðu. Tilboð óskast.

Sindragata 14: 534 m² stálgrindarhús á einni hæð. Nýtt atvinnuhúsnæði, vel búið og í góðu standi. Verð 25 m.kr.

Suðurtangi 2: 210 m² trésmíða-verkstæði á einni hæð ásamt geymslulofti. Verð 4,5 m.kr.

Bolungarvík:

Traðarstigur 7: 108 m² einbýlishús með garðskála og 36 m² bílskúr. Tilboð óskast.

Hjallastræti 38: 113,9 m² einbýlishús á einni hæð ásamt 59,2 m² bílskúr Verð 6,5 m.kr.

Vitastigur 8: 99,8 m² einbýlishús á tveimur hæðum, allt nýuppgerð. Verð 8,5 m.kr.

Vitastigur 19: 73,1 m² 3ja herb. íbúð í fjölbýlishúsi ásamt 16 m² bílgeymslu. Tilboð óskast.

Stigahlíð 4: 54 m² 2ja herb. íbúð í kjallara í fjölb.húsi. Íbúðin er í góðu standi. Tilboð óskast.

Sumarbústaðir:

Sumarbústaður til flutnings: 46,4m² sumarhús sem hægt er að flytja, staðsettur í Mjóafirði, 3 herbergi, stofa, eldhús og svefnloft. Tilboð óskast.

Útgerðar- og fiskvinnslufyrirtækið Jakob Valgeir ehf., í Bolungarvík

Kaupir 1.000 þíg.tonna aflaheimildir

Forráðamenn útgerðar- og fiskvinnslufyrirtækisins Jakobs Valgeirs ehf. í Bolungarvík eru um þessar mundir að ganga frá kaupum á stálskipinu Þorvarði Lárussyni SH af útgerðarmanninum Aðalbirni Jóakimssyni. Með skipinu fylgir 600 þorskígildistonna kvóti sem fluttur verður á skip fyrirtækisins, Þorlák ÍS, en Þorvarður verður síðan seldur aftur.

„Við keyptum líka nýverið 400 þorskígildistonna kvóta af

útgerðarfélaginu Happa í Keflavík og fluttum yfir á Þorlák“, segir Jakob Flosason hjá Jakobi Valgeiri ehf. „Kvóta- staða Þorláks verður mjög góð eftir þetta, um 1.900 þorskígildistonn. Á móti kemur reyndar að við seldum nýlega heimamönnum í Bolungarvík kvóta af þorskaflahámarks- bátnum Jakobi Valgeiri.“

Kaupverð fyrrgreindra skipa og aflaheimilda fæst ekki gefið upp.

– halfdan@bb.is



Norðurljósín nýtt í ferðamannaíðnaði

Bæjarráð Ísafjarðarbæjar hefur vísað til atvinnumála- nefndar erindi frá Aurora Ex- perience vegna hugsanlegrar þátttöku bæjarins í verkefna- hópi um skipulagningu ferða- þjónustu tengda norðurljósa- skoðun. Óskað var eftir því að bærinn tilnefndi fulltrúa í verk- efnahópinum auk þess að styðja verkefnið um 100.000 krónur. Í bréfi sem Jóhann Ísberg skrif- aði Ísafjarðarbæ fyrir hönd

Aurora Experience vegna verkefnisins segir m.a.: „Und- anfarin 5 ár hefur Aurora Ex- perience ehf. unnið að því að þróa tækni til þess að geta kvikmyndað norðurljósín í fyrsta skipti með viðunandi gæðum. Mikill áhugi er nú fyrir því að tengja norðurljósín og ferðaþjónustu á Íslandi.“

Í bréfinu kemur fram að hug- myndin sé að gera sjónvarps- mynd þar sem norðurljósín



Sól og Fegurð á Ísafirði

Nýir eigendur taka við

Braga Ósk Bragadóttir og Benedikt Jónsson hafa keypt og tekið við rekstri heilsu- lindarinnar Sól og Fegurð á Ísafirði. Hefja þau reksturinn 1. nóvember.

„Strada, sogæðanudd, leirvafningar og sólarbekk- irnir verða á sínum stað og auk þess verðum við með góð tilboð fyrir jólin“, segir

Braga. Að mestu leyti mun Braga sjá um reksturinn þar sem Benedikt vinnur sem sjómaður. „Hann mun sinna herrunum þegar hann er í landi“, segir Braga. Þá segir hún að í nánustu framtíð gæti orðið breyting á staðnum.

„Við erum að íhuga að stækka staðinn og breyta að- eins til.“ – thelma@bb.is

Tillaga á Kirkjubíngi

Prestsetrið í Vatns- firði verði selt

Tillaga hefur verið lögð fram af Prestsetrasjóði á Kirkjubíngi þar sem lögð er til sala á fjölmörgum prest- setrum og hluta af prestsetr- um víðs vegar um land. Með- al þeirra er jörðin Vatnsfjörð- ur í Ísafjarðardjúpi.

Fjármálaráðherra hefur

einnig óskað slíkrar heimild- ar í fjárlögum fyrir næsta ár eins og hann hafði í fjárlög- um yfirstandandi árs. Ekki hefur setið sóknarprestur í Vatnsfirði frá því að séra Baldur Vilhelmsson lét af þjónustu fyrir nokkrum ár- um.

– hj@bb.is

Einbýlishús

Til sölu er einbýlishúsið að Bakkavegi 8 í Hnífsdal ásamt bílskúr.

Nánari upplýsingar í sínum 564 6426 og 899 5505.

annars vegar og náttúruskoðun hinsvegar verði tengd. Þá segir í bréfinu að norðurljósín á Ís- landi sjáið misvel og því sé reikað með því að „norður- ljósaskoðendur“ komi til Ís- lands og ferðist síðan til þeirra staða þar sem líklegast er að til þeirra sjáið. Á þeim stöðum þurfi að skipuleggja þjónustu við þessa ferðamenn. Þeir staðir sem leitað verður til vegna þessa verkefnis eru Ísa- fjörður, Mývatnssveit, Höfn í Hornafirði og Kópavogur. Þá segir að til Ísafjarðarbæjar sé leitað vegna þess að hér sé allt

sem þarf til árangursríkrar norðurljósaskoðunar. Hlut- verk verkefnahópsins sem að- ur er nefndur verður að sam- hæfa þá þjónustu sem skipu- lögð verður fyrir norðurljósa- skoðendur og stuðla að gerð sjónvarpsmyndar.

Í bréfi sem Rúnar Óli Karls- son ferðamálafulltrúi Ísafjarð- arbæjar skrifaði vegna málsins og lagt var fram í bæjarráði segir m.a.: „Telur undirritaður þetta verkefni mjög spennandi í frekari þróun afþreyingar á norðanverðum Vestfjörðum.“

Segir Rúnar Óli frá verkefni

í Kanada þar sem á nokkrum árum tókst að lokka 12.000 gesti til þess að skoða norður- ljósín. Hann telur margar ástæður fyrir því að verkefni sem þetta sé frambærilegt. Hann nefnir að hópur þeirra sem stunda norðurljósaskoð- anir fari sífellt stækkandi, hægt sé að skoða norðurljósín við bæjardýrnar hér vestra, Japanir sem mestan áhuga hafa á þess- ari skoðun séu þeir ferðamenn sem mestum peningum eyði á ferðalögum.

Þá nefnir Rúnar Óli að norð- urljósaferðir séu sjálfbærar og

tilheyrir grænni ferðamennsku „sem við höfum mest verið að horfa á í þróun ferðamennsku á Vestfjörðum“, eins og segir orðrétt í bréfi hans. Þá nefnir hann að hægt sé að lengja ferðamannatímabilið og að Ísafjarðarbær hafi margt að bjóð fram yfir önnur svæði sem nefnd eru í verkefninu m.a. „fallegt og fjölbreytt um- hverfi, sterkan þjónustugeira ofl.“

Eins og áður sagði var erindi þessu vísað til atvinnumála- nefndar bæjarins.

– hj@bb.is

Skýrsla um ferðamenn á norðanverðum Vestfjörðum

Kynnt á Hótel Ísafirði á morgun

Nýútgefin skýrsla um ferða- menn á norðanverðum Vest- fjörðum verður kynnt á fundi á Hótel Ísafirði á morgun, fimmtudag kl. 12. Skýrslan er unnin af Rannsóknnum og ráð- gjöf ferðaþjónustunnar fyrir Ísafjarðarbæ, Bolungarvík og Súðavík.

„Markmiðið var að afla ná- kvæmari gagna um fjölda ferðamanna og hegðun þeirra á norðanverðum Vestfjörðum en slík gögn hafa ekki legið á lausu“, segir Rúnar Óli Karls- son, atvinnu- og ferðamála- fulltrúi Ísafjarðarbæjar. Skýr- slan er meðal annars byggð á

niðurstöðum vettvangskonnn- unar sem framkvæmd var meðal rúmlega 400 innlendra og erlendra ferðamanna á svæðinu í júlí og ágúst 2003 og símakönnunar meðal 1200 íslendinga á aldrinum 18-75 ára um ferðir þeirra um landið. Rögnvaldur Guðmundsson frá

Rannsóknnum og ráðgjöf ferða- þjónustunnar, verður á fund- inum og fer yfir niðurstöðurnar og svarar spurningum.

Á fundinum verður hægt að fá súpu og brauð á vægu verði. Unnt er að nálgast efni skýrsl- unnar á vef Ísafjarðarbæjar.

– thelma@bb.is

Smáauglýsingar

Óska eftir ódýrum 17" tölvuskjá. Uppl. í síma 868 3636.

Til leigu er 3ja herb. íbúð, 105m² að Úrðarvegi 49, neðri hæð. Upplýsingar í síma 456 4244 eða 892 7911.

Til sölu eru þrír mjög fallegir speglar í römmum í stærðunum 40x75, 55x95 og 50x125. Upplýsingar í símunum 456 3929 eða 866 5480.

Hjálpi! Ungt barnshafandi par vantar íbúð sem fyrst á Ísafirði eða nágrenni. Upplýsingar gefur Sonja í síma 843 0585.

Dagmómmu vantar fyrir yndisleg börn í Bolungarvík. Upplýsingar í síma 456 7292.

Óska eftir lítilli íbúð á eyrinni á Ísafirði. Uppl. í síma 863 5316.

Til sölu er Audi A4, 1,8 árgerð 1996. Uppl. í síma 866 4655.

Til sölu er barnakerra með svuntu og skyggnl. Upplýsingar í síma 849 8719.

Til sölu er Volvo S-40, árg. 97, með 2000 vél. Ný nagladekk, ekinn 120 þús. km. Upplýsingar í síma 860 7442.

Til sölu er Subaru E12, árg. 93, ekinn 115 þús. km. Upplýsingar í síma 696 2174.

Til sölu er 2ja herb. íbúð að Úrðarvegi 78 með sérinngangi. Uppl. í síma 456 3928 og 456 4323.

Til sölu er furukoja, 90x200. Uppl. í síma 456 4445.

Til sölu er Skidoo MXZ vélsleði árg. 1998, ekinn 3000 mílur. Verð kr. 320 þús. Upplýsingar í síma 846 0793.

Gerist áskrif-

endur í síma

456 4560

skrifa.com

Upplýsingavefur gervihnattafólksins

Afruglarar · kort · brennarar og allt annað til að fullnýta búnaðinn.

Símar 893 5804 og 482 3929 alla virka daga frá kl. 13-23

Framleiðsluaukning hjá rafeindafyrirtækinu Póls hf.

Flæðisamvöl og samvals-vélar aðal framleiðsluvaran

Talsverð framleiðsluaukning hefur verið hjá rafeinda-fyrirtækinu Póls á Ísafirði að undanfögnu. Eins og sagt var frá á sínum tíma keypti Marel hf. fyrirtækið en vogir og samvöl eru ennþá fram-leidd undir merkjum Póls. „Hugmyndin var sú að taka bestu vörur Póls og auka söluna á þeim, en draga úr framleiðslu á vörum sem gáfu minna af sér. Þetta hefur allt gengið eftir, og ef eitthvað er þá hafa breyt-ingarnar gengið hraðar og árangurinn af þeim fyrr orðið sjáanlegur en lagt var af stað með í upphafi“, segir Hörður Ingólfsson, aðalráðgjafi hjá Marel og fyrrverandi stjórnarformaður Póls.



Póls á Ísafirði.

„Það hefur verið meira en nóg að gera hjá Póls, ég get hiklaust sagt það. Aðallega er verið að framleiða

flæðisamvöl, samvalsvélar og skipavogir. Aftur á móti er lögð minni áhersla á Póls-flokkara, en á móti kemur að samsetning á svokölluðum „compact grader“ flokkara frá Marel hefur verið flutt vestur. Að auki hefur ein-faldlega verið aukning í sölu

á vörum fyrirtækisins eftir að við tengdumst við sölunet Marel samsteypunnar, svo það er klárlega meira að gera en á sama tíma í fyrra“, segir Hörður Ingólfsson, aðal-ráðgjafi hjá Marel í samtali við blaðið. – halfdan@bb.is

Þrjú sveitarfélög á Vestfjörðum

Fullnýta ekki út-svarsstofn sinn

Þrjú af ellefu sveitarfélögum á Vestfjörðum fullnýta ekki útvarsstofn sinn á þessu ári. Þetta kemur fram í fylgiskjali með frumvarpi til laga frá þingmönnum Vinstri-grænna. Í frumvarpinu er lagt til að útsvar sveitarfélaga hækki úr 13,03% í 14,03%. Flutningsmenn segja frum-varpið flutt í beinum tengslum við boðuð áform ríkisstjórn-arinnar um að lækka álagningu tekjuskatts um sama hundraðs-hluta þ.e. eitt prósentustig um

næstu áramót. Eins og áður sagði getur útsvar sveitarfélaga í dag orðið hæst 13,03%. Lægst getur útsvarið hinsvegar orðið 11,24%. Af 104 sveitar-félögum leggja 67 þeirra á hámarksútsvar. Í þeirra hópi eru 8 af 11 sveitarfélögum á Vestfjörðum. Þau sem ekki nýta hámarksálagninguna eru Tálknafjarðarhreppur þar sem útsvarið er 12,99%, Bæjar-hreppur þar sem álagningin er aðeins 12,3% og Broddanes-hreppur, en þar er álagningin

12,7%. Til samanburðar má geta þess að í Reykjavík er útsvarið 12,7% og á Seltjarnarnesi er álagningin 12,46%. Vilji menn búa í sveitarfélögum sem lægst hafa útsvarið fara þeir í fá-mennið. Þau fimm sveitarfélög sem kjósa að leggja minn-star álögur á íbúa sína eru Hvalfjarðarstrandarhreppur, Skilmannahreppur, Skorra-dalshreppur, Helgafellssveit og Ásahreppur.

– hj@bb.is

Selárdalur í Súgandafirði

Sumarhúsa-byggð skipulögð

Gerð deiluskipulags fyrir sumarhúsabyggð í Selárdal í Súgandafirði er ný að ljúka og verður það væntanlega lagt fram á fundi umhverfis-nefndar innan tíðar. Þetta kemur fram í bréfi sem Ste-fán Brynjólfsson byggingar-fulltrúi sendi bæjarráði Ísa-fjarðarbæjar.

Í bréfinu kemur fram að á svæðinu sé gert ráð fyrir átta lóðum fyrir sumarhús, en nú þegar eru tvö hús innan þess svæðis. Þá segir að verði deiliskipulagið samþykkt verði hægt að auglýsa sex lóðir á svæðinu lausar til um-sóknar í haust. – hj@bb.is

STAKKUR SKRIFAR

Stakkur hefur ritað vikulega pistla í **Bæjarins besta** í mörg ár. Skoðanir hans á mönnum og málefnum hafa oft verið umdeildar og vakið umræður. Þær þurfa alls ekki að fara saman við skoðanir útgefenda blaðsins. Þrátt fyrir það bera ábyrgðarmenn blaðsins ábyrgð á skrifum **Stakks** á meðan hann notar dulnefni sitt.

Útlendir Vestfirðingar?

Fækkun íbúa Vestfjarða er áhyggjuefni. Vestfirðir hafa verið leiðandi hluti Íslands um aldir, ef svo má orði komast. Hér sátu höfðingjar fyrr á öldum og létu til sín taka, tóku afstöðu með ráðandi öflum, drápu útlendinga og aðra eftir þörfum. Hrafn Sveinbjarnarson á Eyri, Þorvaldur Vatnsfirðingur og Magnús Jónsson prúði, ásamt sonum sínum, Ara og Birni, eru nöfn sem koma upp í hugann. Jón Sigurðsson frá Hrafnseyri varð mestur Íslendinga í útlöndum, varði ævinni í Kaupmannahöfn, þar sem hann starfaði, sannur alþjóðahyggjumaður, sem lét ekki landamæri aftra störfum sínum og áhugamálum. Útlendingar settust ekki að á Vestfjörðum nema í örlitlum máli, helst kaupmenn eða enn frekar útsendarar þeirra, faktorarnir. Nú er dæmið að snúast við. Útlendingar eru smám saman að setjast að á Vestfjörðum og verða mikilsverður þáttur vinnuafllsins í frumgreinum atvinnulífsins. Í helgarblaði DV var meðal annars rætt við forseta bæjartjórnar Ísafjarðarbæjar Birnu Lárusdóttir, sem fagnaði því að enn sem komið er hafa aðeins 11 flutt burt umfram aðflutta. En jafnframt vekur hún athygli á því að útlendingum fjölgi hér fyrir vestan. Nú munu þeir vera meira en 5% íbúa og séu taldir þeir mörgu sem hafa sótt um íslenskan ríkisborgararétt er álitnið að þeir séu allt að tvöfalt fleiri. Því ber að fagna að fólk utan úr heimi vilji gerast ríkisborgarar á Íslandi og ekki síður að þetta góða fólk velji að búa á Vestfjörðum. Í máli forseta bæjarstjórnar kemur fram að forsetinn og bæjarstjórnin vilji fjölga opinberum störfum í Ísafjarðarbæ og að Ísafjörður verði viðurkenndur sem byggðarkjarni fjórðungsins og njóti þeirrar

sérstöðu sinnar, meðal annars á þennan veg.

Nú eru störf á vegum hins opinbera síst verri kostur en önnur störf þegar leitað er aukinna tækifæra varðandi atvinnuframboð. Því má þó ekki gleyma að bæði ríki og sveitarfélög, hið opinbera eins og við köllum það í daglegu tali, reka þjónustu fyrir íbúa sína og því meir sem íbúafjöldi dregst saman ættu líkurnar að aukast á því að þörfin fyrir þjónustuna minnkaði. Allt of oft gleymist líka að opinber þjónusta er greidd af skattfé, þeim peningum sem teknir eru af launum og tekjum fólks. Þeim fer fjölgandi sem álíta að þeir séu jafn færir ríki og sveitarstjórnum eða jafnvel betur til þess að ráðstafa aflafé sínu. Reynar er athyglisvert að lesa að nú séu störf á vegum hins opinbera orðin fyrirferðarmesti starfaflokkurinn í Ísa-fjarðarbæ. Sé svo mætti draga þá ályktun að nú lifi Ísfirðingar af því að þjónusta hver annan á vegum hins opinbera. Það eitt og sér er umhugsunarefni.

Kannski er hin undirliggjandi hugsun sú, að „íslenskir“ Vestfirðingar þjónusti útlendingana, sem vinni í frumgreinunum og þá hlýtur jafnframt að vera ætluin að auka þjónustuna við útlendingana. Þeim er það hins vegar sammerkt að vera ágætlega sjálfbjarga, þekkja verri kjör í fyrrum heimalöndum sínum. Við gætum margt lært af því fólki, sem rífur sig upp frá heimkynnum sínum til að setjast að í fjarlægum landi og ólíkri menningu. Við getum sennilega fræðst meira af þessu nýja heima-fólki en það af okkur. Við eigum að sjálfsögðu að þakka kjörnum forystumönnum okkar að leita allra ráða til að bæta kjör okkar og búsetu. En við eigum líka að gæta þess að verða ekki útlendingar í heimahögum okkar.

Hópur 22 franskra nemenda og fimm kennara heimsótti Ísafjörð

Hópur nemenda frá bænum Les Sables-d´Olonne í Frakklandi var í síðustu viku í heimsókn hjá nemendum Menntaskólans á Ísafirði. Að sögn Brynjars Viborg frönskukennara var koma Frakkanna hluti af nemendaskiptum sem unnið hefur verið að í tvö ár. „Við höfum verið að ræða um að fara með nemendur á milli landa og hingað komu því 22 nemendur og 5 kennarar þeirra. Nemendurnir gistu hjá fjölskyldum 22 nema við Menntaskólann á Ísafirði sem ætla að endurgjalda heimsóknina í mars. Til fararinnar höfum við fengið styrk frá Sókrates verkefninu sem er á vegum Evrópusambandsins, en nemendurnir þurfa þó að greiða hluta kostnaðarins sjálfir“, segir Brynjar. Frönsku nemarnir sátu ekki auðum höndum meðan á Ísafjarðardvöl þeirra stóð. „Þau unnu ýmis konar verkefni, meðal annars um þróun hafna en Les Sables-d´Olonne er líka hafnarbær. Þá kynntust þau snjóflóðavörnum á svæðinu og fleiru“, sagði Brynjar. – halfdan@bb.is



Franski hópurinn ásamt gestgjöfum sínum. Myndin var tekin þegar hópurinn var á leið til Þingeyrar.

Helgarveðrið

Horfur á fimmtudag: Norðaustan 8-13 m7s og dálítill rigning austast en annars bjartviðri. Hiti 1-7 stig.

Horfur á föstudag: Fremur hæg norðlæg átt. Él norðanlands en létt-skýjað syðra. Hiti 0-5 stig, hlýjast suðaustanlands.

Horfur á laugardag: Norðan og norðaustlægaráttir. Slydda með köflum norðan- og austanlands en annars úrkomulítið. Hiti 0-5 stig, hlýjast syðst.

Horfur á sunnudag og mánudag: Norðan og norðaustlægaráttir. Slydda með köflum norðan- og austanlands en annars úrkomulítið. Hiti 0-5 stig, hlýjast syðst.

Kirkjustarf

Suðureyrarkirkja: Guðsþjónusta kl. 11:00, sunnudaginn 24. október.

Ísafjarðarkirkja: Guðsþjónusta og kirkju-skóli á sunnudag kl. 11.

Spurningin

Styður þú sameiningu sveitarfélaga á Vestfjörðum?

Alls svöruðu 451. Já sögðu 241 eða 53% Nei sögðu 171 eða 38% Óvist sögðu 39 eða 9%

Netspurningin er birt vikulega á bb.is og þar geta lesendur látið skoðun sína í ljós. Aðeins er tekið við einu svari frá hverri tölvu. Niðurstöðurnar eru síðan birtar hér.



Fjölmenni fagnaði sóknarprestinum

Agnes M. Sigurðardóttir sóknarprestur í Bolungarvík fagnaði fimmtugs-afmæli sínu í safnaðarheimilinu þar í bæ um síðustu helgi. „Þetta tókst mjög vel, það komu um 140 manns, vinir, fjölskylda og aðrir velunnarar“, segir Agnes. „Músik var fyrirferðamikil í afmælinu. Systur mínar, þær Hólmfríður og Rannveig Sif, tróðu upp en önnur þeirra er píanóleikari og hin söngkona. Kirkjukór Bolungarvíkur söng margar frumsamdar vísur, sem og leikfimiþópurinn minn. Þá spiluðum við Hólmfríður saman á píanóið dúett sem við spiluðum síðast saman

fyrir 30 árum þegar ég varð stúdent frá Menntaskólanum á Ísafirði.“ „Dóttir mín sem er 18 ára hannaði og lét gullsmíð gera hálsmen sem hún svo gaf mér.


Hún stóð upp í veislunni og talaði til mín, en það er eitthvað sem ég hefði aldrei þorað að gera þegar ég var 18 ára gömul“, segir Agnes Sigurðardóttir. – halfdan@bb.is



> RÚV: 22. október kl. 23:25

Minnisleysi eftir bílslys

Sjónvarpið sýnir í kvöld spennu-myndina Mulholland Drive sem segir frá Ritu sem kemst ein lífs af eftir alvarlegt bílslys í Los Angeles en hefur misst minnið. Hún ranglar inn í íbúð eftir slysið og þar rekst hún á Betty, unga leikkonu sem komin er til Hollywood til að vera fræg. Betty þykir saga Ritu athyglisverð og fer að grennslast um hennar mál.



> Stöð 2: 23. október kl. 21:50

Hasarmynd með Vin Diesel

Tættur, eða A Man Apart er hasarmynd sem segir frá Sean Vetter sem er í fíkniefnalögreglunni og hefur orðið vel ágegn í að stöðva eiturfjaskmygl við landamæri Mexíkó. En um leið og einn dópkóngurinn er kominn í fangelsi tekur sá næsti við. Diablo er nú hæstráðandi í smyglinu og hann ætlar Vetter að stöðva í eitt skipti fyrir öll.



> Sýn: 24. október kl. 17:20

Stórleikir í boltanum

Sannkallaðir stórleikir eru á dagskrá í spænska og ítalska boltanum um helgina og eru tveir þeirra í beinni á Sýn. Á Spáni mætast Real Madrid og Valencia og á Ítalíu mæta nágirnarnir AC Milan og Inter Milan. Hörkuleikir framundan en stórstjörnur í öllum þessum félögum. Aðrir leikir í spænska boltanum eru Osasuna og Barcelona og Malaga og Deportivo.



Vetrarstarf Gospelkórs Vestfjarða hefst á laugardag

Gospelkór Vestfjarða hefur vetrarstarf sitt með æfingu og stuttum fundi á laugardag. Kórfélagar koma saman í Tónlistarskóla Bolungarvíkur kl. 11 að morgni laugardags og eru nýir meðlimir hjartanlega velkomnir. Gospelkórinn var stofnaður snemma árs í fyrra og hefur tvo síðustu vetur látið mikið að sér kveða í

vestfirsku menningarlífi. Þannig söng kórinn á tónleikum til styrktar börnum Kristinar Ólafsdóttur á Tálknafirði sem lést fyrir skömmu, auk þess sem kórinn tók lagið á aðventugleði í Sundlaug Bolungarvíkur fyrir síðustu jól. Nánari upplýsingar um kórstarfið veitir þær Pálína Vagnsdóttir í síma 898-6489.



Gospelkór Vestfjarða syngur af innlifun á aðventugleði í Sundlaug Bolungarvíkur.



Trésmiðir

Óskum eftir að ráða trésmiði til starfa sem fyrst. Næg verkefni.

Upplýsingar gefa Hermann í síma 861 1442 og Sveinn í síma 862 4430.

Vestfirskir verktakar ehf.,

Útboð

Byggðasafn Vestfjarða óskar eftir tilboðum í að reisa 214m² nýbyggingu sem hýsa á geymslur fyrir byggðasafnið í Neðstakaupstað á Ísafirði.

Nýbyggingin kemur á hluta gólfplötu sem steyppt var sl. sumar. Byggingin er úr timbri og að hluta á tveimur hæðum. Verktaki skal reisa nýbygginguna og fullklára að innan og utan.

Verkinu skal að fullu lokið eigi síðar en 20. maí 2005.

Tilboð skulu hafa borist á skrifstofu Tækniþjónustu Vestfjarða ehf., Aðalstræti 26, Ísafirði, eigi síðar en þriðjudaginn 2. nóvember 2004, kl. 11:00 og verða þau þá opnuð þar að viðstöddum þeim bjóðendum sem þess óska.

Útboðsgögn eru afhent á sama stað gegn 5.000.- króna skilatryggingu.

Byggðasafn Vestfjarða.

SÆLKERI VIKUNNAR

ER SIGURBJÖRG KRISTINSDÓTTIR Á ÍSAFIRÐI

Fiskisúpa með grænmeti og hvítlauksbrauði

Sælkeri vikunnar býður upp á fiskisúpu með grænmeti sem ætluð er fyrir 5-6 manns. Hún mælir með að bera súpuna fram með hvítlauksbrauði og góðu salati. Þá býður hún einnig upp á gott hvítlauksbrauði sem ætti að kitla bragðlaukana. Þar mælir Sigurbjörg með að notað sé rautt, papriku eða með sólþurrkuðum tómötum, tapenade. Í eftirréttnum mætast hollusta og ljúffengt bragð í einfaldri skyrköku.

Fiskisúpa með grænmeti

2 dósir Hunt's Original Garlic
3 bollar vatn
½ bolli laukur, saxaður
½ bolli gulrætur, saxaður
½ bolli sellerí, saxað
½ bolli paprika, söxuð
1 peli rjómi
½ kjúklingateningur
1 msk púðursykur
250 g rækja eða annar fiskur

Steikið grænmetið í potti og setjið tomatkryddsósuna út í. Bætið öllu nema rækjunum við og hrærið vel saman. Látið sjóða við vægan hita í 20-30 mín. Setjið rækjurnar út í þegar súpan er fullsoðin, en ef notaður er fiskur má setja hann út í súpuna í bitum 5 mínútum áður en súpan er tekin af hellunni.

Gott hvítlauksbrauð

1 baguette brauð



slatti af rifnum ost
1 dós tapenade frá „Sacla“
Nokkur hvítlauksrif
2 skalottlaukar
Örlítið af ólívuolíu

Skerið brauðið í helming langsum og því næst í hæfilega stórar bita svo úr verði passlegar sneiðar. Smyrjið tapenade á hverja sneið. Kremjið hvítlauksrif og sneiðið skalottlauk smátt. Bætið út í ásamt örlitlu af olíu, til að bleyta í lauknum. Smyrjið laukblöndunni á hverja sneið og stráðið rifnum osti yfir. Hitið við meðalhita þangað til osturinn bráðnar.

Frekar holl skyrkaka

botn:
1 pk Homeblest kex
2-3 msk smjör, brætt

kakan:
500 g skyr, t.d. jarðarberja

1 pakki jello, ananas
2 dl. sjóðandi vatn
1 peli þeyttur rjómi
1 dós kurlaður ananas
100 g saxaðar heslihnetur

Botninn: Myljið kexið og bræðið smjör og kælið. Hrærið saman. Þrýstið mylsnunni í botn á djúpu formi.

Kakan: Blandið sjóðandi vatninu og jello (hlaup) pakkanum saman, látið blönduna kólna. Blandið afganginum af hráefnunum saman við. Hellið blöndunni yfir botninn og setjið kökuna í kæli í nokkra klukkutíma áður en hún er borin fram. Skreytið með til dæmis jarðarberjum.

Ég skora á Ragnheiði Baldursdóttur á Ísafirði að töfra það besta fram úr uppskriftarbókum sínum.

Sportið í beinni

Skjárlinn:

Laugardagur 23. október:
Kl. 11:45 – Enski boltinn: Norwich – Everton.
Kl. 14:00 – Enski boltinn: Chelsea – Blackburn.
Kl. 16:45 – Enski boltinn: Liverpool – Charlton Athl.

Sunnudagur 24. október:
Kl. 13:00 – Enski boltinn: Southampton – Birmingh.
Kl. 15:05 – Enski boltinn: Manchester U. – Arsenal

Sýn:

Miðvikudagur 20. október:
Kl. 18:30 – Meistaradeildin: AC Milan – Barcelona.

Laugardagur 23. október:
Kl. 19:50 – Spænski boltinn: Real Madrid – Valencia

Sunnudagur 24. október:
Kl. 17:20 – Spænski boltinn: Barcelona – Osasuna.
Kl. 19:20 – Ítalski boltinn: AC Milan – Inter Milan

Kanal 5 Svíþjóð:

Fimmtudagur 21. október:
Kl. 18:30 – Sænski boltinn: Hammarby – IFK Göteborg

Canal+ Norge:

Laugardagur 23. október:
Kl. 11:45 – Enski boltinn: Norwich – Everton
Kl. 14:00 – Enski boltinn: Chelsea – Blackburn
Kl. 16:05 – Enski boltinn: Liverpool – Charlton Athl.
Kl. 18:30 – Ítalski boltinn: Siena – Juventus

Sunnudagur 24. október:
Kl. 13:00 – Enski boltinn: Southampton – Birmingh.
Kl. 16:05 – Enski boltinn: Manchester U. – Arsenal
Kl. 18.30 – Ítalski boltinn: AC Milan – Inter Milan


Canal+ Sport:

Laugardagur 23. október:
Kl. 14:00 – Enski boltinn: Tottenham – Bolton

Canal+ Svíþjóð:

Sunnudagur 24. október:
Kl. 13:00 – Ítalski boltinn: Roma – Palermo

Afmæli





Þann 25. júlí sl. voru 40 ár liðin frá því Halldór Halldórsson, bæjarstjóri Ísafjarðarbæjar, leit heiminn fyrst augum. Hann býður vinum og samstarfsfólki að fagna þessum tímamótum með sér í sal Stjórnsýsluhússins á Ísafirði, föstudagskvöldið 22. október frá kl. 19:30 til 24:00.

> RÚV: 23. október kl. 21:05

Síðasti dansinn

Sjónvarpið sýnir í kvöld myndina Síðasti dansinn með Juliu Stiles í aðalhlutverki. Myndin segir frá Söru Johnson, ungri og upprennandi dansmey sem flyst frá Vermont eftir að manna hennar deyr, til pabba síns í fátækrahverfi í Chicago. Í skólunum kynnist hún þeim Chenille og Derek bróður hennar sem heillar hana upp úr skónum og hrífur hana í dansinn.





Kæra Ísafjarðarbæjar vegna lækkunar fasteignamats á Sundstræti 36

Yfirfasteignamatsnefnd úrskurðar Ísafjarðarbæ í óhag

Yfirfasteignamatsnefnd hefur staðfest úrskurð Fasteignamats ríkisins vegna mats á húseigninni við Sundstræti 36 á Ísafirði þar sem Hraðfrystihúsið Norðurtangi hf. rak á sínum tíma fiskvinnslu. Fasteignamat ríkisins hafði lækkað mat hússins úr rúmum 93 milljónum í rúmar 66 milljónir króna sem lækkar tekjur bæjarins af fasteigninni um rúma hálfa milljón á ári. Ísafjarðarbær sætti sig ekki við lækkun matsins og kærði til yfirfasteignamatsnefndar sem nú hefur kveðið upp endanlegan úrskurð.

Forsaga málsins er sú að

þegar fiskvinnslu var hætt í húsinu fyrir sjö árum var það úrelt sem fiskvinnsluhús og komst í eigu Þróunarsjóðs sjávarútvegsins. Síðan hefur húsið skipt nokkrum sinnum um eigendur. Engin starfsemi hefur verið í húsinu undanfarin ár. Lítið hefur verið um húseignina hirt og hefur hún látið mjög á sjá. Hafa til dæmis orðið miklar frostsKemmdir innandyrá eftir að hiti var tekið inn af húsinu. Því þótti eiganda hússins, Eignarhaldsfélaginu Jöfri hf., að það stæði ekki lengur undir fasteignamati sínu sem var rúmar 93 milljónir króna. Því var óskað eftir

endurmati hússins og fór það fram á síðasta ári. Niðurstaða endurmatsins var sú að fasteignamatið lækkaði í rúmar 66 milljónir króna. Fasteignagjöld sveitarfélaga reiknast út frá fasteignamati og því leiddi þetta lækkaða mat til þess að tekjur Ísafjarðarbæjar af húseigninni lækkuðu um rúma hálfa milljón króna.

Ísafjarðarbær sætti sig ekki við þessa niðurstöðu og óskaði eftir rökstuðningi Fasteignamatsins. Í honum segir að húsbýggingin þarfnist mikillar viðgerðar við og sé í matinu miðað við að eignin sé tilbúin undir tréverk. Bæjarráð ákvað

að setta sig ekki við þessi málalok og ákvað því að kæra úrskurðinn til yfirfasteignamatsnefndar. Sá úrskurður var kynntur bæjarráði í síðustu viku. Þar segir að hinn kærði úrskurður skuli vera óbreyttur.

Mál þetta þykir hafa nokkuð fordæmisgildi því víða um land standa fiskverkunarhús sem á sínum tíma voru úrelt og hefur lítil starfsemi verið í mörgum þeirra og þau því smám saman grotnað niður. Má því allt eins búast við því að fleiri mál fylgi í kjölfarið þar sem slík hús verða endurmetin og í kjölfarið minnki tekjur sveitarfélaga. – hj@bb.is



Sundstræti 36 á Ísafirði.

Nemendur sem búa á heimavist Menntaskólans á Ísafirði

Fá ekki greiddar húsaleigubætur

Nemendur í Menntaskólanum á Ísafirði sem búsettir eru á heimavist skólans fá ekki greiddar húsaleigubætur, þó svo að lögheimili þeirra séu víðs fjarri skólanum. Síðastliðið sumar hækkaði húsaleiga á heimavistinni úr 16 þúsund krónum á önn upp í 18 þúsund krónur á mánuði. Þá sagði Ólína Þorvarðardóttir, skóla-meistari Menntaskólans á Ísafirði, að kjaraskerðing nemenda yrði lítil því þeir gætu fengið greiddar húsaleigubætur á móti. Þeir nemendur sem

eiga lögheimili í byggðalögum sem nú heyra undir Ísafjarðarbæ fá hins vegar ekki greiddar húsaleigubætur úr bæjarsjóði, þó svo að þeim sé ekki kleift að sækja skólann frá sínu byggðarlagi vegna fjarlægðar.

Ólína sagði í samtali við Fréttablaðið að þetta hefði komið skólayfirvöldum mjög á óvart. „Það á ekki að skipta máli hvort heimabyggðin sé innan sveitarfélagsins. Það er fjarlægðin sem á að skipta máli, eins við úthlutun námsstyrkja, og í mínum huga er



Menntaskólinn á Ísafirði.

þetta spurning um jafnræði,“ segir Ólína. Hún segir skólann

hafa komið til móts við nemendurna sem um ræðir og veiti

þeim afslátt af húsaleigunni sem nemur húsaleigubótum

þar til málið leysist.

– hj@bb.is

Brottluttir frá Vestfjörðum mun fleiri en aðfluttir

Mesta fækkunin í Vesturbyggð

Brottluttir frá Vestfjörðum voru 151 fleiri en aðfluttir fyrstu níu mánuði ársins. Allt árið í fyrra var mismunurinn 130. Einungis í þremur sveitarfélögum á Vestfjörðum voru aðfluttir fleiri en brottfluttir. Það var í Súðavík þar sem aðfluttir voru fimm fleiri en brottfluttir fyrstu níu mánuði ársins og í Bæjar-

hreppi og Broddaneshreppi voru aðfluttir einum fleiri en brottfluttir.

Frá Vesturbyggð fluttu 46 fleiri frá sveitarfélaginu en til þess, á Hólmavík var fjöldinn 29, í Bolungarvík 27, í Reykhólahreppi 24, í Tálknafjarðarhreppi 20, í Ísafjarðarbæ 11 og í Kaldrananeshreppi voru brottfluttir einum fleiri en að-

fluttir. Þetta kemur fram í tölum frá Hagstofu Íslands.

Af einstökum byggðarlögum Ísafjarðarbæjar má nefna að á Þingeyri voru aðfluttir átta fleiri en brottfluttir, á Flateyri voru brottfluttir hinsvegar 22 fleiri en aðfluttir, á Suður-eyri voru brottfluttir þrír fleiri en aðfluttir og á Ísafirði voru aðfluttir einum fleiri en brott-

fluttir. Í strjálbýli á Vestfjörðum voru brottfluttir 14 fleiri en aðfluttir.

Rétt er að geta þess að tölur um brottflutta og aðflutta segja ekki alla söguna um mannfjöldapróun því þar eru ekki tölur um þá sem fæddust og létust á tímabilinu. Íbúar á Vestfjörðum voru 7.835 þann 1. desember.

Bílavelta í Súgandafirði

Líkamsárás við Vagninn á Flateyri

Vörubifreið rann úr af vegnum í Selárdal í Súgandafirði á föstudag og hafnaði á hliðinni. Þeir sem í bifreiðinni voru sluppu án meiðsla en bifreiðin skemmdistnokkuð. Þetta kemur fram í skýrslu lögreglunnar á Ísafirði fyrir síðustu viku.

Þar segir einnig að líkamsárás hafi átt sér stað fyrir utan veitingastaðinn Vagninn á Flateyri aðfaranótt sunnudags. Grunur leikur á að sá sem fyrir árásinni varð hafi nefbrotnað. Lögreglan hafi einnig afskipti af nokkrum ökuönnum sem óku og hratt.